

ologie.

L. 170²¹

DE

C E L S I,

ADVERSARII CHRISTIANORUM,

PHILOSOPHANDI GENERE

S C R I P S I T

FRID. ADOLPH. PHILIPPI,

PHILOSOPHIAE DOCTOR.

28742

Dec. 3/81/5

BEROLINI, MDCCXXXVI.

APUD GUSTAVUM EICHLER.

BIBLIOTHECA
ACADEMIA
DORPATENSIS

PRAEFATIO.

4117
4997

Dixerit fortasse aliquis, perfecto hoc nostro libello, rem, quam dispiciendam nobis proposuimus, nimis esse minutam, quam cui denuo studium impendere operae pretium sit. Cui argumento hodie vulgo sic respondere solent, ut dicant, in doctrinis prorsus nihil, modo in disceptationem venire possit, tam parvi esse aestimandum, ut accuratiore indagatione indignum sit. At huic responso ipsi cunctamur assentiri. Nam quando res graviores supersunt, quibus disserendis bene quis possit mereri, in exiguis vires perdere non est sane prudentis oeconomi. Accedit quod in theologia ecclesiae ubique salus respicienda est, quam et factis et scriptis pro parte virili adjuvare, unicum cuiusvis Christiani votum esse debet. Ne-

que vero quaestio nostra quomodo solvatur, ecclesiae magnopere interesse videtur. — At saepius accidit, ut res, quae per se non nimirum ponderis habere recte judicentur, aliunde aliquid momenti accipient; itaque fieri in causa nostra opinamur. Nam cum Celsus primus fuerit Christianismi adversarius, Apologeticae maxime sane interest, accuratam, quantum fieri possit, indolis eius habere descriptionem; ut nemo oleum, ut dicunt, et operam perdidisse existimandus sit, qui ad corrigendam et plane exprimendam imaginem lineamenta quaedam addiderit. Aliam enim haud dubie ipsa Celsi argumenta habent gravitatem, si Neoplatonicorum scholae, quam si Epicureorum gregi fuerit *adscriptus*; alia adversarii est auctoritas, si sincere, alia, si simulate sententias suas protulerit. — Iam vero quod disquisitionis nostrae summam attinet, non magnopere fortasse a sententiis iam saepius et nuper demum prolatis discedere videbimus. At nimis hodie sumus superbi atque fastidiosi. Ipsa enim saepissime rei cuiuspiam propria vis et natura in levi, quam dicunt, priorum sententiarum immutatione perspicitur. Novam praeterea et a

decessoribus nostris diversam *dissenserendi* ac *probandi* viam atque rationem sumus ingressi. In quo illud nobis monendum est, valde nos taedere levis illius et audacis eriseos, quae hodie in theologia maxime exerceri solet, cum viri docti neglectis omnibus externis testimoniis ad interna modo respiciendum sibi putant. At quamvis ineptum, immo insanum existimemus hunc artis exercendae modum, ipsi tamen fortasse nostra commentatione simile quid commisisse arguemur. Sed aliud est ipsa testimonia examini subiicere accuratori eorumque, quam ipsa non abnuant, evincere infirmitatem, aliud contra testimonia bene firmata mendacii insimulare testes. Neque tamen haec omnia laudandi, sed excusandi nostri libelli caussa dicta esse volumus, cuius tenuem ipsi probe tenemus conditionem. Quare lectores, ut benevoli accedant, etiam atque etiam rogamus. Illud animo laeto et lubenti, priusquam praefandi finem faciam, adiicio, non esse sane, quo magnopere gloriantur Christi hostes, quod Celsum habeant, tam futilis hominem ingenii, gregis sui ducem et antesignatum; et quamvis ipsi maiorem sibi dignitatem

animo effingant, nos tamen, verbis et promissis Domini nostri confisi, eos Celso citius posteritatis contentu et oblivione extinctum iri certo scimus.

Scribent Berolini Calendis Julii
MDCCCXXXVI.

Priusquam ipsi sententiam nostram feramus de secta philosophica, quam amplexus fuerit Celsus, primus corum qui scriptis novam religionem infamare tentarunt, ex dictis eius imago quaedam potissimum hominis sententiarum nobis adumbranda videtur, non quo nova lectorem doceamus, sed ut philosophicae Celsi indolis speciem praesentem atque evidenter oculis eius proponamus eique in memoriam revocemus.

In qua disputationis nostrae parte illud praemonitum esse volumus, ne quis ampla hac nostra locorum collectione ab initio statim deterreatur a libelli nostri lectione. Ubi enim ad commen-tationis finem progressus omnia uno quasi in conspectu perlustrabit, spero fore ut libenter ipse nobis concedat, hanc rei instituendae rationem consilio nostro maxime esse consentaneam.

Et de Dei quidem natura sic pronuntiat philosop-hus noster apud Origenem contra Celsum ex

edit. Ruaci, cuius ubique fere interpretationem lati-
nam sequemur:

L. I. c. 39. Deus, quem sua natura non pa-
titur humanae formae amore capi. IV, 14. Deus
est bonus, pulcher, beatus: quidquid optimum est,
in se continet. Rei quidem mortalis ea natura est,
quac mutari aliquamque formam inducere possit; im-
mortalis vero, ut una semper et eadem permaneat.
Deo igitur convenire non potest mutatio.

(Cf. Platonis Phaedr. p. 246 c. τὸ δὲ δεῖν
καλόν, σοφόν, ἀγαθὸν καὶ πᾶν δέ, τι τοιοῦτο. De
republ. II. p. 380 d. Πότερον οὖν ἐπὶ τὸ βέλτιόν τε
καὶ κάλλιον μεταβάλλει ἔαυτὸν (sc. δέ δείξ) η̄ ἐπὶ τὸ
χεῖρον καὶ τὸ αἰσχιον ἔαυτοῦ; Ἀνάγκη, ἔφη, ἐπὶ τὸ
χεῖρον, εἴτερ ἀλλοιοῦται· οὐ γάρ που ἐνδεῖ γε φέρσο-
μεν τὸν δεῖν κάλλους καὶ ἀρετῆς εἶναι. Ὁρθότατα,
ἢν δέ ἔγω, λέγεις· καὶ οὕτως ἔχοντος δοκεῖ ἂν τίς σου
ἔκὼν αὐτὸν χείρω ποιεῖν δύποιον η̄ δεῖν η̄ ἀνθρώπων;
Ἄδύνατον, ἔφη. Ἀδύνατον ἄμα, ἔφην, καὶ δεῖψεν ἐδέ-
λειν αὐτὸν ἀλλοιοῦν, ἀλλ' οὐ; ἔοικε, κάλλιεσος καὶ
ἀρετος ḥν εἰς τὸ δυνατὸν ἔκαπος αὐτῶν μένει ἀσ-
πλως ἐν τῇ αὐτοῦ μορφῇ.)

V, 14. Quasi vero turpia Deus posset aut
quidquam contra naturam vellet. Non, si quid im-
probum pro tua malitia expetiveris, id continuo

Deus poterit, aut fore credendum est. Non enim
Deus orbi praeest, ut vitiosa desideria expleat, aut
inordinatis libidinibus obsequatur; sed ut rectae ju-
staeque naturae prospiciat. Etenim est ipse om-
nium quae sunt ratio: nihil contra se ipsum efficere
potest.

(Cf. Plat. de legg. X, p. 905. τὸ δὲ καραπη-
τοὺς αὐ̄ δεοὺς εἶναι τοῖσιν ἀδικοῦσι, δεχομένους
δῶρα, οὗ τέ τινι συγχωρητέον παντὶ τ' αὐ̄ κατὰ δυνα-
μιν τρόπῳ ἐλεγχτέον.)

VI, 65. Ex Deo omnia. Deus incorporeus,
ne verbo quidem comprehensibilis. Deus nominari
non potest. In eum enim nullus affectus cadit, qui
verbis exprimi possit. VII, 45. Quemadmodum
in rebus visibilibus sol neque oculus est neque vi-
sus; sed oculo caussa est cur videat, visui cur fiat,
rebus visibilibus cur cernantur, omnibus sensibili-
bus cur sint, sibi ipsi cur videatur: sic in rebus intelli-
gibiliibus ille qui nec mens est nec intelligentia,
facit ut mens intelligat, ut intelligentia per ipsum
fiat, ut scientia per ipsum cognoscat, ut intelligibilia
omnia, veritas ipsa, ipsa substantia sit; quibus om-
nibus superior est arcana quadam virtute intelligibilis.

(Habes locum plane similem, qui Celso haud
dubie inter scribendum obversatus est, apud Plat.

de republ. VI, p. 508. sqq. Ἡλέτον οὐκέ τις καὶ δῆλος ὄφις μὲν οὐκέ εἶται, αἵτιος δ' ὁντινής ὁρᾶται υπὲ αὐτῆς ταύτης; Οὔτως, ηδὸν δέ τοις. — Ὅταν δέ (οἱ ὀφάδακιοι) ἦν δῆλος καταλόγουτε (sc. eo se vertunt), σαρῶς ὁρᾶσθαι, καὶ τοῖς αὐτοῖς τούτοις δημιουροῦσις ὄφις ἐνοῦσα φαίνεται. Τί μήν; Οὕτω τοίνυν καὶ τὸ τῆς ψυχῆς ὁδεῖς γένεται et q. sqq. Imprimis eum Celsi effato confer haec verba: Τοῦτο τοίνυν τὸ τὴν ἀληθείαν παρέχον τοῖς γηγενώσκομένοις καὶ τῷ γηγενώσκοντι τὴν δύναμιν ἀποδίδον τὴν τοῦ ἀγαθοῦ ἴδεαν φάσι εἶναι, αἵτιαν δὲ ἐπιτηδίμης οὐσαν καὶ ἀληθείας ὡς γηγενώσκομένης μὲν διανοοῦ, οὗτω δέ καλῶν ἀμφοτέρων ὅντων, γνώσεως τε καὶ ἀληθείας, ἀλλο καὶ καλλιουν ἔτι τούτων ἥγονούμενος αὐτὸν ὁρῶντας ἥγησεν. ἐπιτηδίμην δέ καὶ ἀληθείαν, ὥσπερ ἐκεῖ φῆσθαι τε καὶ ὄφιν ἥλιοειδῆ μὲν τομήζειν ὁρῶντα, ἥλιον δὲ ἥγεισθαι οὐκέ ὁρῶντας ἔχειν, οὗτον καὶ ἐνταῦθα ἀγαθοειδῆ μὲν τομήζειν ταῦτα ἀμφότερα ὁρῶντα, ἀγαθὸν δὲ ἥγεισθαι ὀπότερον αὐτῶν οὐκέ ὁρῶντα, ἀλλ' ἔτι μειζόνως τιμητέον τὴν τοῦ ἀγαθοῦ ἔξιν. Cf. etiam verba quae paulo infra sequuntur καὶ τοῖς γηγενώσκομένοις τοίνυν caet. et de republ. VII, p. 517.)

VIII, 21. Deus omnium communis est, bonus, nullius rei indigens. (Cf. Plat. Tim. p. 29. e. Phaedr. p. 247. a.)

Animam porro humanam Celsus divinae particulam aurae esse contendit, in hac etiam doctrina Platonis, ut constat, vestigii insistens.

I, 8. Ii, in quibus hoc, id est anima, bene se habet, illius, quicum cognitione quadam coniuncti sunt, hoc est, Dei desiderio flagrant, et de illo semper aliquid audire et cogitare concupiscunt. VII, 36. Tum dumtaxat videbitis Deum, cum sensu compresso mente sursum adspicietis, et averso carnis oculo oculum animae excitabitis. VII, 45. Si iudicatis spiritum aliquem a Deo descendisse ad res divinas adnunciandum, hic spiritus est sane ille, qui haec praedicat (sc. quae modo Celsus de Deo docuerat; cf. supr.) et quo viri veteres repleti multa et praeclara docuerunt. VIII, 63 Nunquam nullo modo relinquendus Deus, nec interdiu nec noctu, nec in publico nec in privato, in nullo sermone, in opere nullo; sed quidquid fiat aut non fiat, ad Deum intenta semper sit anima. (Qui locus ideo hic pertinet, quia animam, quae semper in Deum directa sit, ipsam oportet esse divinam.) VIII, 66. Si forte accideret ut Dei cultor impium quid agere aut quidpiam turpe proferre iuberetur, nunquam ullo modo parendum est; sed potius omnia preferenda suppli-

cia, omne mortis genus tolerandum, quam quid indignum Deo dicere aut etiam cogitare.

Hanc animam divinam immortalem esse contendit:

V, 14. Evidem haud Deum negaverim animae vitam largiri posse sempiternam. VI, 21. cum Platone docet animabus coelos e terra aut terram e coelo potentibus iter esse per planetas. (Cf, VII, 28 et 31.)

De futuris praemiis iustorum, iniustorum poenis docet haec:

III, 16. Absit ut hi aut ego aut ullus mortaliū tollat opinionem de iniustorum poenis et iustum praemiis. IV, 7. Deum non propter se indigere ut cognoscatur, sed nostrae saluti consulere, cum sui nobis notitiam praebet: ut qui illam acceperint, boni facti, salutem consequantur; qui vero reiecerint, aperta nequitia, poenas luant. VIII, 49. Qui vero sperant futurum esse ut anima aut mens (sive eam substantiam spiritalem; sive spiritum intelligentem, sanctum et beatum; sive animam viventem; sive divinae et incorporeae naturae progeniem; sive quocumque alio nomine appellare velint,) aeterna cum Deo vita fruatur, ad eos sermonem dirigo. Merito isti persuasum habent eos qui recte vixerunt

felicitate donandos; iniquos autem aeternis suppliciis cruciatum iri. Ab hoc dogmate neque isti nec quisvis alius discedere debeat.

(Cf. Plat. Crat. p. 54. Phaedr. p. 257. a. Gorg. p. 526. c. Crat. p. 403. a. Phaed. p. 107. de republ. II, p 303. c ; X, p. 608. f.; de legg. XI, p. 959. a.)

Porro in Celsi scita de origine mundi, de materia et de natura mali, ubi haec eius doctrina dubitationi locum praebet, paulo accuratius inquiramus. Origenes quidem I. I. c. 19. adversarium suum mundi aeternitatem defendere testatur his verbis:

Postea Celsus volens occulte calumniari ea, quae de mundi creatione narrantur a Moyse, ex quibus evidens sit mundum decem mille annorum nondum esse, immo multo esse recentiorem, occultat quid ipse de hae re sentiat, assentiturque iis, qui mundum increatum putant. Nam quod ait multas ab omni saeculo conflagrationes accidisse multaque diluvia, quorum postremum Deucalionis aetate non ita pridem factum est, id satis declarat ei qui intelligere potest, Celsi sententiam esse, mundum non esse creatum.

Sed nimis praeceps et parum concinna hac in re Origenis est ratiocinatio. Nam Platonem quo-

que, quamvis mundum originem cepisse aperte doceat (cf. Tim. p. 28, b), multas tamen terrae per ignem et aquam conversiones factas esse diversis locis pronuntiassse constat. Cf. Tim. p. 22. πολλαὶ καὶ πατὰ πολλὰ φθοραὶ γεγόνασιν ἀνθρώπων καὶ ἐστοται, πυρὶ μὲν καὶ ὑδατὶ μέγισται, μυρίοις δὲ ὕδωρις ἐτρέχει βαρικύτεραι. De legg. III. p. 677. Polit. p. 268. Celsus aut ipse fluctuat aut rem in dubio relinquit. Nam I. VI, c. 52. haec eius verba exstant: De origine et interitu mundi, increatusne sit et incorruptibilis, creatusne quidem sed incorruptibilis (quae Platonis est sententia; cf. Tim. p. 69. 28. Phil. p. 27. Tim. p. 30. 32. 33. 38. 41.), an contra, nihil hac de re nunc dico. — Fortasse Celsus hac in re Platonica placita tanquam sua ideo proferre noluit, quod in ea sententia invitus Christianorum doctrinae suffragatus esset. Nisi I. VI, c. 47. Platonicam de mundi creatione sententiam reperiri censeas: ἀνδρεῖς παλαιοὶ τόνδε τὸν κόσμον, ὡς ἐξ θεοῦ γενόμενον, παῖδα τε αὐτοῦ καὶ ηὔθεον προσεῖπον.

Ea quoque quae Celsus de divina stellarum natura docuit a Platone mutuatus est. Ille enim θεοὺς ὄρατους καὶ γεννητούς vocat eas humanorumque fatorum indices putat. Cf. Tim. p. 39. 40. 41

de legg. XI, p. 930. — Celsi vero verba haec sunt I. V, c. 6.: Hoc primum de Iudaeis mihi mirum accidit, quod, quamvis coelum et qui in illo sunt Angelos venerentur; solem tamen, lunam, aliasque stellas cum fixas tum errantes, quae certe sunt angustissimae et potentissimae coeli partes, minime colendas esse iudicent. Quasi haec simul cohaerere possent, totum esse Deum et partes totius non esse divinas: quasi fas esset — — — illos nihil pendere illustrissimos rerum supra nos positarum praecones, illos vere coelestes Angelos, qui tam perspicua omnibus, tam splendida vaticinia edunt, qui pluvias, aestus, nebulas, tonitrua ab ipsis adorata, fulgura, fructus, proventus omnes administrant, quibus denique Dei cognitionem debent

De natura malorum haec habes Platonicos plane hortos redolentia:

IV, 65. Quae malorum origo sit, non facile est homini philosophiae ignaro cognoscere. Sed vulgo satis fuerit dicere, mala non esse a Deo, sed in materia haerere, et in naturis mortalibus versari. At naturarum mortalium conversionem sui similem esse ab initio ad finem; et ex constituto conversionum ordine necessarium esse, ut praeterita, praesentia et futura semper eadem sint. VIII, 55.

Natura ipsa homines omnes mala perferre cogit: haec esse necesse est, nec alibi locum habent.

(Cf. Plat. Theaet. p. 176. a. ἀλλ' οὐτ' ἀπολέσθαι τὸ κακὰ δυνατόν, ὃ Θεόδωρε ὑπεναντίον γάρ τι τῷ ἀραδῷ ἀεὶ εἶναι ἀνάγκη· οὐτ' ἐν θεοῖς αὐτὰ ἐδρύσθαι, τὴν δὲ θιγητὴν φύσιν καὶ τόνδε τὸν τόπον περιπολεῖ ἐξ ἀνάγκης. Crat. p. 403. a. Ne vero omittas Origenem l. IV, c. 62. et Moshemii ad hunc locum adnotationem conferre.)

IV, 70. Etiamsi quid tibi videatur malum, nondum ideo liquet malumno revera sit. Nescis enim an non tibi, aut alteri, aut universitati prosit.

(Cf. Plat. de legg. X. p. 905. κατὰ ὡς ἐν κατόπτροις αὐτῶν ταῖς πράξεσιν ἥψιστα καθεωρακέναι τὴν κάντων ἀμέλειαν θεῶν, οὐκ εἰδὼς αὐτῶν τὴν συντέλειαν, ὅπῃ ποτὲ τῷ καντὶ ἔνυμβάλλεται.)

Singularem praeterea camque ipsam e Platone exscriptam sententiam do corporum natura legimus hanc:

L. IV, c. 52. Satius fuerit docere id quod natura docet ipsa, Deum videlicet nihil mortale fecisse, eius opera quotquot sunt esse immortalia, ab his autem facta esse quae mortalia sunt: animam Dei esse opus, aliam esse corporis naturam; atque idcirco corpus nihil a vespertilio, a verme, a rana

differre. Illius enim et istorum eandem esse materiam, idem in his et in illis corruptionis principium.

(Cf. Plat. Tim. p. 41. δι' ἐμοῦ δὲ ταῦτα γειόμενα καὶ βίου μετασχόντα θεοῖς; ισάζοιτ' ἄν (alloquitur δημιουργὸς Deos). ὦν δὲν θητά τε ἦ, τό τε πᾶν ὄντας ἀπαντᾷ, τρέπεσθε κατὰ σύστιν ἕμεν ἐπὶ τὴν τῶν ζώων δημιουργίαν, μημονύμοι τὴν ἐπὶ τούτων περὶ τὴν ὑπὸν γένεσιν. Et p. 69. καὶ τῶν μὲν θεῶν αὐτὸς γίνεται δημιουργὸς, τῶν δὲ θητῶν τὴν γένεσιν τοῖς ἁντοῦ γένητημασι δημιουργῶν προσέταξεν.)

Loci, quos hucusque attulimus, qui aliis similissimis augeri facile possunt, longe maximam partem, ut vidimus, Platonem sapient. (Cf. Orig. l. VI, c. 1. 17. 47.) Constat vero iamque ab aliis saepius notatum est, Celsum etiam alios philosophos, Pythagoram, Stoicos, caeteros praeter Epicurum sere omnes honore habuisse ac se epe ad probandam sententiam suam, nullo adeo delectu etiudicio adhibito, excitasse. Cf. Origenis verba I, 32. κάγρα δὲ ταῦτα τῶν κατὰ Πυθαγόρα, καὶ Πλάτωνα, καὶ Ἑπιπεδοκλέου, οὓς πολλάκις ἀνόμασεν ὁ Κέλσος. IV, 97. ἐλῶν δὲ καὶ Σωκράτους, καὶ Πλάτωνος, καὶ Πυθαγόρου, καὶ πρὸ προτεραγόνους θυμητοσιν (sc. ὁ Κέλσος) et q. sqq. VI, 48. 50. in. 73. ὁ τὸν Σωκράτην λόγιον ἐπιτίθεντος. VII, 41. Τίνη καὶ ἐπεστῶτα ἦμε;

ὁ Κέλσος βούλεται, ὃς οὐκ ἀπορήσοντας παλαιῶν ἡγε-
μόνων καὶ ἑρῷων ἀνδρῶν, πατανορτέον· ἀναπέμπει
ἡμᾶς ἐπὶ ἐρθέοντος ὃς λέγει ποιητὰς καὶ σοφοὺς καὶ
φιλοσόφους, μὴ τιδεῖς αὐτοῖς ὄντοι μάτα· καὶ τοὺς ὁ-
δηγούς δεῖξεν ἐπαγγελόμενος, ἀσφίστως ἀποφαίνεται
τοὺς ἐνθέοντος ποιητὰς καὶ σοφούς; καὶ φιλοσόφους.

Cf. l. VIII, c. 53.

Quare plane quadrare in Celsum nostrum vi-
detur, quod Julianus Imperator ad Iamblichum
quendam philosophum scribit, non celebrem illum
quidem Porphyrii discipulum, sed et ipsum recen-
tioris Platonicorum disciplinae alumnū, (vid. Epist.
XXXIV. p. 405. Opp. edit. Spanhem.): *καίτοι σύνει*
οὐ πλινδαρον μόνον, οὐδὲ Δημόχριτον, η' Όργεα τὸν
παλαιότατον, ἀλλὰ καὶ ἔνυπταν διοισ τὸ Ἑλλητικόν,
διόσον εἰς ἄλχον φιλοσοφίας ἐλθεῖν μητιορεύεται,
*καθάπερ ἐν λύρας ποικίλων φεύγοντων ἐναμορούμενοι συζη-
σται, περὸς τὸ ἐντελέχει τῆς μουσικῆς κίρας ἔχεις.*

Horum temporis sui Platonicorum more Cel-
sus, quem vidimus Dei Optimi Maximi venerationem
studiose commendare atque inculcare, plurimum quo-
que Deorum, qui a summo Deo potestatem in sin-
gulas terras acceperint, cultum acriter confirmat.
Singularem horum virorum modum ac rationem, qua
unius summi Numinis adorationem cum aequalium

suorum polytheismo coniungere atque concordem red-
dere conabantur, accurate descriptam invenies in
Plotini Ennead. II, l. IX, c. 9. Ennead. III, l. V,
c. 6. Porphyrii de abstinent. l. I, c. 57. Iamblichei
de myster. Aegypt. Sect. IV, c. 6. Sect. III, c. 31.
Celsum autem nostrum item ad monotheismum in-
clinasse patet ex l. VIII, c. 12: *Si nullum aliud*
Deum colerent (sc. Christiani), quam unum Deum,
esset fortasse illis contra nos valida ratio. Nunc
autem cum hominem nuperrime exortum supra mo-
dum colant, nihil tamen in Deum peccare se pu-
tant, licet eius ministrum colant. Ille conferas l.
VII, c. 42. ubi Celsus citato illo Platonis e Timaeo
loco: „Huius universitatis architectum ac patrem
invenire difficile, et, postquam inveneris, notum
*omnibus facere, impossibile“, ipse addit: Videtis,
quomodo divinis viris quaesita sit veritatis via, et
quam sciret Plato omnibus hac via incedere im-
possibile. (Cf. Porphyrium apud Eusebium in Prae-
par. evangel. l. III, c. 9. p. 100 — 101.)*

Polytheismi vero Celsiani plurima apud Ori-
genem exstant vestigia. Sie l. VIII, c. 2. Christia-
nos ad quaestionem, qua eos ad cultum daemonum
incitare volebat (quae quaestio exstat l. VII, c. 68.
„Ac primum quidem quaesierim cur colendi non sint

daemones? Nonne omnia pro Dei mutu administrantur, et ex illo omnis est providentia? Nonne quidquid fit sive a Deo, sive ab Angelis, sive ab aliis daemonibus, sive ab Heroibus, id omne legem a summo Deo praescriptam habet? Nonne rebus singulis cum potestate praefectus est quicunque hoc munere dignatus est?"') Christianos igitur sic respondentes facit: fieri non posse, ut pluribus dominis serviatur. — Quae vox, ut putat, seditiosa est et hominum segregantium se ac rescendentium, ut loquitur, a reliquorum hominum sociate. Eius indicio, qui hoc dieunt, suos illi in Deum affectus transferunt. Quare id existimat apud homines quidem habere locum, servientem cuiquam male se alteri in servitutem dare, propterea quod ex diversa servitate detrimentum alter patiatur; proinde qui se alicui obligarit, hunc alteri non debere se obligare; itaque non posse diversis heroibus et eiusmodi daemonibus simul serviri, quin horum alterutri fiat iniuria. Sed quod spectat ad Deum, in quem nec iactura ulla nec molestia cadit, absurdum iudicat, eadem cautione plurium Deorum cultum fugere, ac si eum hominibus, heroibus et eiusmodi daemonibus ageretur. Ait praeterea eum, qui plures Deos colat, hoc ipso quid Maximo acceptum facere, quod

unum aliquid eorum, quae ad illum pertinent, colat. Addit nefas esse cultum alicui deferre, cui istud a Deo datum non sit. Quapropter, inquit, cultus omnibus delatus, qui ad Deum pertinent, illi non displicet, quia omnes illius sunt. (Cf. Iambl. de myst. Aegypt. sect. V, c. 25.)

VIII, 28. Si quae patriae leges illis vetant harumque victimarum participes fieri, prorsus abstinentium etiam illis est omnium animalium esu. Quod quidem et Pythagorae placuit, quae eius erat in animam et illius organa reverentia. Si, id quod aiunt, illis abstinent, ne mensae daemoniorum accumbant, admiror illorum sapientiam, qui tandem animadverterunt se semper cum daemonibus epulari, et tunc solum id fugiunt, cum victimam mactatam vident. Et fruges, quas edunt, vinum, quod bibunt, fructus, quos gustant, aqua ipsa, quam hauriunt, et aër, quem respirant, nonne eorum singula a quibusdam daemonibus accipiunt, quibus singulis earum rerum cura mandata est? c. 33. Aut igitur non vivendum omnino, nec in hanc vitam veniendum est, aut venientem his conditionibus oportet daemonibus, qui terrenis rebus praesunt, gratias agere, primitias et preces, quamdiu vivemus offerre, ut illos beneficos experiamur. (Cf. c. 35.)

Prodigiosam horum Deorum vim et factis et oraculis et apparitionibus exhibitam Celsus, an sincera fide postea videbimus, verissima certe fronte asserere videtur I. VIII, c. 45: Quid opus est recensere oracula, quae aut prophetae aut prophetides aut alii sive viri sive feminae numine afflatae divina voce reddiderunt? quot mirifica ex adytis ipsis audit a sunt? quanta iis qui victimis et hostiis utebantur detecta sunt? quot ex aliis prodigialibus signis innotuerunt? Quibusdam etiam manifestae se species Deorum obtulerunt. Plena tota vita est huiusmodi exemplis. Quot urbes monitis oraculorum conditae, quot morbis et fame liberatae, quot illorum neglectu aut oblivione corruerunt? Quot deductae coloniae sunt et eorum jussa capessentes floruerunt? Quot principes, quot privati eam ob causam adversa secundave fortuna usi sunt? Quot liberis carentes obtinuerunt, quod petebant? Quot daemonum irae subtracti sunt? quot suae in templo irreverentiae poenas dederunt, alii quidem mente incidentes, alii quae fecerant conscientes, alii sibi ipsi mortem conscientes, alii morbis insanabilibus correpti? Fuerunt etiam quos terrifica vox ex adytis erumpens interficeret. — VII, 35. Celsus Christianos mittit ad Trophonii et Amphiaraei et

Mopsi aedes, ubi ait deos humana forma conspici, non fallaces, sed manifestos? Subdit deos illos videri non semel et quasi praetervolitantes, quemadmodum ille qui hos decepit, sed semper cum volentibus versari. (Cf. VIII, 48. 55. 58. 66.)

In eo etiam Celsum Neoplatonicorum exemplum imitari videmus, quod, ut defendat ridiculum paganorum cultum et ineptas fabulas ab hominum obtrecentationibus vindicet, ad allegoricas interpretationes confugit. Sic I. III, c. 19. nobis dicit Aegyptios esse ridiculo, proponere tamen multa non spernenda aenigmata; quandoquidem Ideas aeternas, non autem, quod vulgus putat, mox interitura animalia, colendas esso doceant; nos vero stultos esse, qui in iis quae de Iesu a nobis dicuntur, nihil hircis canibusque Aegyptiacis nobilius afferamus. I. 20. (Cf. Porphyr. apud Euseb. in præpar. evangeli. I. III, c. 11 — 13. p. 115 — 117.)

III, 43. illos a nobis irrideri qui Iovem collunt, quia eius in Creta sepulcrum ostenditur; nihilominus tamen colere nos cum qui sepultus est, nescios quomodo aut qua de causa Cretenses id faciant. — Ubi aperte Celsus allegoricas quasdam, ad quas referri debeat conficta de Iove fabula, inuit rationes.

VI, 42. Veteres de divino quodam bello obscure involuteque scripserunt: ut Heraclitus cuius sunt haec: „si dicendum est commune quodam bellum et item esse, omniaque ex discordia gigni et administrari“: et Pherecydes Heraclito longe antiquior in fabula exercitum exercitui adversum exhibet, quorum unius **Sˇrnum**, alterius Ophionem ducem facit. Provocationes narrat et proelia, pacta etiam, nempe utervis primus in Oceanum caderet, illum pro victo habitum iri; utervis vero alterum pepulisset et viciisset, illum coelum occupaturum. In eandem sententiam accipienda esse ait Titanum Gigantumque adversus deos pugnantium mysteria, uti et quae de Typhone, Horo et Osiride Aegyptii fabulantur. — Eodem modo allegorice interpretatur Homeri Iliad. α , v. 590, et ad Iliad. δ , v. 18. Haec Iovis ad Iunonem verba, inquit, sunt verba Dei ad materiam, quibus significatur materiam, quae inordinata erat ab initio, aptis vinculis a Deo fuisse colligatam atque ornatam, et quotquot daemones turbas in illa ciebant, in poemam secleris ab eodem in haec infima loca praecepsitos fuisse. — Quo sensu eadem Homeri carmina cum Pherecydes intelligeret, ait ipsum dixisse: „Intra hanc terrae partem Tartarea regio est, quam

Harpyiae et Tempestas, Boreae filiae, custodiunt, et quo Iuppiter illos ex diis detrudit, qui turbas movent.“ Eudem ait habere sensum velum Minervae in ludorum Panathenaicorum pompa omnium oculis expositum. Ipso enim, inquit, indicatur daemon quidam incorruptus et sine matre, qui terrigenarum co^rreeat audaciam. (Cf. VII, 28 et 31.) Cf. Porphyrium in libro de antro Nympharum et apud Euseb. in praep. evang. I. III, c. 11. p. 108—115.

Nec minus in ea sententia, quam de templis, aris, simulacris Deorum protulit, a vulgi sensu abhorret philosophus noster. Cf. I. VII, c. 62. Nunc ad alia. Ferre non possunt tempла, aras, simulacula. Sed neque Scythae, neque Nomades in Libya, neque Seres nullius Dei cultores, neque gentes aliae impiae et barbarae. In hac Persas versari scientia testatur Herodotus his verbis: „Scio Persas his uti legibus: simulacula, aras, tempла construi nulla eorum lex jubet, immo apud eos habentur stulti, qui haec construunt. Cuius rei ratio est mea quidem sententia, quod deos ex hominibus ortos non arbitrentur, ut Graeci.“ — Heraclitus quoque sic alicubi loquitur. „Et illis simulacris preces offerunt, quasi si quis cum parietibus colloquium haberet, ignarus quid sint Di, quid sint heroes.“ — Et

quid illi nos docent Heraclitea sententia sapientius? Ille clam subindicat stultum esse preces ferre simulacris nisi agnoscatur, quid sint Dii, quid Heroes. Sic Heraclitus, illi vero nulla exceptione simulacula contemnunt. Si ideo, quod nec lapis, nec aes, nec aurum, quod hic aut ille expolivit, Deus esse possit, ridicula haec sapientia. Equis enim, nisi prorsus desipiat, haec Deos esse iudicet, non vero dona diis consecrata, corumque simulacula? Sin putant neque imagines esse Deorum, siquidem alia sit Deorum forma, id quod et Persis vistum est, se ipsi imprudentes condemnant. Aiant enim Deum hominem fecisse propriam imaginem et forma sibi ipsi similem. Cf. Iambl. de myster. Aegypt. Sect. III, c. 29—31. p. 99—104. c. 28, p. 97. Arnobium adversus gentes I. VI, c. 24.

Iam vero, ut rem ipsam aggrediamur, Origenes in refutatione sua Celsum, talia effatum, Epicureum fuisse contendit, et cum in libro suo, quem ἀληθὴ λόγον inscriperat, nusquam fere placita Epicurea, saepissime, ut vidimus, Platonica aliorumque philosophorum proferat, cum animi sententiam dissimulasse concludit. Veritum enim fuisse, ne tanquam Epicureus Deos Deique providentiam tollens apudpios aetatis suae homines haud multum Chri-

stianismi accusatione proficeret. Huic Origenis de adversario suo iudicio inter veteres nemo contradixit, recentioribus temporibus Baronius, Spencerus, Ionsius, Basnagius, Valesius, Dodwellus, Fabricius, Buddeus, omnes fere viri docti ante Mosheimum, qui modo accuratius rem tractarunt, assensi sunt. Mosheimius primus ausus est hanc Origenis sententiam funditus subvertere. Wesselingum, qui in Probabilibus, quamvis paulo ante Mosheimum, tamén non tam multis et firmis usus argumentis et dubitantius contradixit, jure nostro licet praeterimus. Primariae Mosheimii rationes, quas in praefatione ad germanicam suam libri Origenis contra Celsum interpretationem scripta proposuit, haec sunt:

1) Celsus omnia affirmat, quae Epicureo necessario erant neganda, providentiam Dei, creationem mundi, immortalitatem animae; omnia credit, quibus Epicurci fidem abrogare solent, spirituum existentiam, magorum efficaciam, Deorum apparitiones, vaticiniorum et miraculorum veritatem, alia huiuscmodi.

2) Loci, quibus Origenes Epicureismi vestigia odoratur, minime Epicureum redolent.

3) Hadriani temporibus vixit Celsus quidam Epicureus, noster eadem fere actate librum suum

exaravit, quare Origenes idem nomen ac tempus tenere arripiens adversarium suum, quamvis ipse manibus pedibusque obnoxie faciat, Epicureum fuisse proclamat.

4) Epicurei apud severiores id temporis homines respectui habebantur, quare Origenes calumnia sua adversarium deprimere studet.

5) Origenes ex tota antiquitate solus pronuntiat Celsum fuisse Epicureum.

6) Origenes ipse nonnullis libri sui locis dubius haeret de opinionis sueae veritate.

7) Nulla philosophorum secta minus, quam Epicurei, placita sua dissimulabat, e contrario neque Düs, nec sacerdotibus, neque oraculis, nec miraculis, nec vaticiniis parcere solebat.

8) Nullus amplius Epicureus Celsum socium suum agnovisset, si tam aperte et impudenter mentitus esset.

9) Minime Celso verendum erat, ne Epicurei nomen prae se ferendo nullos in vituperandis Christianis assecelas habiturus esset; nam plurimos inter divites, nobiles, potentes Epicurus illa aestate amicos numerabat, et Celsus, ut libro suo aperte prodit, primariis viris placere cupiebat, Christianis

opprobrio ducens, quod nullos magnae autoritatis homines religionis suae socios haberent.

Quare Moshemii sententia est, Celsum Elec-
ticorum philosophiae nomen dedisse, quae quamvis undecimque probabilissima eligeret, in gravissi-
mis tamen doctrinis Platonem secuta sit, ab Epicureorum placitis maxime abhorrens.

Moshemii disputatio recentioribus imprimis temporibus magnos doctissimorum virorum, Keilii, Flüggii, Danzii, Neanderi plausus excitavit; exstitit nuper demum Origenis vindic Fengerus, qui scripsit librum de Celso, Christianorum adversario, Epicureo. Etiam Tzschrerus, qui in historia Apologeticae p. 225¹ — 225³ Moshemii vestigia legerat, in libro, qui inscribitur: *Der Fall des Heidenthums* p. 325 — 326. sententiam priorem retractans eo magis inclinat, ut Origenem verum vidisse existimet. Sic enim loquitur: Auch reichen die vorhandenen Data hin, um ihn in das Zeitalter des Marcus Aurelius zu setzen (cf. Fengerum libr. laud. p. 7.), ob wir gleich sonst von seiner Persönlichkeit nichts wissen, mit einiger Wahrscheinlichkeit nur, daß er in Ägypten gelebt habe, behaupten können, weil er von ägyptischen Tempeln und Gebräuchen, als ob er aus eigener Anschauung

sie kenne, redet, eines Aufenthaltes im Phönicien gedenkt und Bekanntheit mit den Gnostikern verräth, und die Frage, ob er ein Epicureer oder Platoniker gewesen sei, wohl werden unentschieden lassen müssen. Tum vero opinionem, Celsus suisse Epicureum veram mentem dissimilantem et ad impugnandos Christianos Platonicis scitis utentem, tanquam verisimiliorem breviter exponit. Et p. 326. sq. annot. I. addit: Was für die Meinung, daß Celsus ein Platoniker gewesen sei, gesagt werden kann, das hat Mosheim in der Vorrede zu seiner Übersetzung der acht Bücher des Origenes wider den Celsus p. 25 ff. gesagt, und lange Zeit habe ich ihm beigezählt. Zeigt aber scheint mir doch die oben ausgedrückte Ansicht die richtigere, bei welcher man noch überdem den Vortheil hat, daß man nicht mit dem Origenes, welcher ihn wiederholt für einen Epicureer hält, sich einzweien muß. Qui praeterea ab hoc de genuina Celsi philosophia iudicio non discesserunt Gieselerus (Lehrbuch der Kirchengeschichte, dritte Auflage, erster Band p. 133.) et Hasius (Kirchengeschichte p. 59. b.), novis certe argumentis ad confirmandam comprobandumque Fengeri et Tzschirneri disputationem usi non sunt.

Iam primum prolatas a Fengeri rationes, quibus Moshemii gravia sane argumenta evertre tentat,

per totum eius librum dispersas colligamus, et, quantum fieri potest, accurata trutina ponderemus. In quo illud lectorum benevolum praemonitum esse volumus, ne, si ubique fere contra Fengerum nos a Moshemii partibus stantes viderit, inde nos et ipsos Moshemii sententiae totos esse addictos, praepropere coniiciat. Nihil aliud enim in prasenti quidem nobis propositum est, quam ut ostendamus, Fengerum certe in refellendo Moshemio rectam viam non esse ingressum.

Primo Moshemii argumento nihil adversatur Fengerus, sed quae Celsus ab Epicuro dissidentia protulerit, ea omnia mera animi dissimulatione prolati esse contendit. At haec ipsa quaestio est, utrum sincere egerit Celsus, nec ne.

Contra secundum Moshemii argumentum Fengerus (l. l. p. 100. sqq.) imprimis ex l. IV, c. 75. ostendere conatur, Celsi male occultatum Epicureismum re vera nonnunquam pellucere. Ibi enim Christianorum adversarius hominem prae caeteris animalibus obiectum negat esse curae divinac, et bestias si non maiorem, certe parem hominibus dignitatem vindicare studet. Origenis verba haec sunt: „Primum putat Celsus tonitrua, fulgura, pluvias non esse Dei opera. — Deinde: Etsi daretur

haec Dei opera esse, non magis hominibus alendis facta sunt, quam stirpibus, arboribus, herbis et spinis. Tum ille: Etiam si dixeris illa (videlicet arbores, stirpes, herbas et spinas) hominibus nata esse, cur dices ea magis hominibus nasci, quam ferissimis animantibus, ratione privatis?"

Non recte quidem, meo iudicio, Moshemius initium huius loci sic interpretatur, quasi Celsus dicat, tonitrua, fulgura, pluvias, naturales suas habere caussas, itaque non immediate, sed mediate tantum a Deo esse profecta; neque tameu ideo haec sententia Epicurea statim habenda est. Nam tales sententias, quamvis praecipue ab Epicureis propositae fuerint, tamen in aliorum quoque philosophorum scriptis inveniri, iam Wesselius in Probabilibus suis p. 190. docuit. Sic enim item Academici quidam senserunt apud Ciceronem Acad. quaest. I. IV. c. 38. „Cur Deus omnia nostri caussa cum faceret (sic enim vultis), tantam vim naticum, viperarumque fecerit? cur mortisera tam multa perniciosa, terra marique disperserit? negatis haec tam polite, tamque subtiliter effici potuisse sine divina aliqua solertia; cuius quidem vos maiestatem deducitis usque ad apium formicarumque perfectiōnem: ut etiam inter Deos Myrmecides aliquis, mi-

pudenter impiam suam doctrinam protulisse, tamen in defendendo paganismo Epicuri philosophia necessario iis erat deponenda. Omnino ethica Epicuri philosophia tam lubrica, remissa et a rigore aliena fuit, ut nulla caussa sit, cur statuamus, eam si modo idonea adasset ratio, simulationem aut dissimulacionem detrectaturam fuisse. —

Sed haec ipsa idonea caussa, nostro iudicio, absuit. Epicuri sodalis nunquam defendendi paganismi consilium in animum induxisset, et sine dubio Celsus, si Epicureus fuit, tantum absuisset, ut ethnicae religionis patrocinium susciperet, ut Christianam modo, eodem quo polytheismum risu et opprobrio, prosecutus esset. Tum temporis enim minime locum habuit, quod Cicero de Epicuro ipso pronuntiat de nat. Deor. I. 30. cum ne in offenditionem Atheniensium caderet, verbis reliquise Deos, re sustulisse. Nulla enim tum offendio verenda erat, cum Epicurei non celata impietate libere docerent, atque adeo ut ceteri philosophi ex aerario publico quotamni praemio afficerentur, teste Luciano Eun. c. 3.: συντέραχται μὲν, ὁ Μάρκος, ὡς οὐσθα ἐξ βασιλέως (Marc. Aurel. intellige) μισθοδοκά τις οὐ γαίη κατὰ γένει τοῖς φύλοσόφοις· Στωϊκοῖς λέγω, τις Πλατωνικοῖς, καὶ Ἐπαχονικοῖς, ἔτι καὶ τοῖς ἐξ τοῦ Ηρο-

πάτοι, τὰ ἵσα τούτους ἀπασιν. Cf. Philostr. in Vit. Sophist. II, p. 566. Dio. Cass. LXXXI

Præterea hoc loco ipse suo se gladio iugulat Fengerus. Supra enim Origenem summa tantum cum imprudentia fraudem minime celandam commissurum fuisse, pronuntiaverat; quidni idem de Celso contendere licet?

Epicureo sane cum Lucretio (de rer. nat. I, 56. sqq.) dicendum erat:

Humana ante oculos foeda quom vita iaceret
In terris, oppressa gravi sub religione,
Quae caput a coeli regionibus ostendebat,
Horribili super adspectu mortalibus instans;
Primum Graius homo mortaleis tendere contra
Est oculos ausus, primumque obsistere contra:

— — — — —
Quare religio pedibus subiecta vicissim
Obteritur; nos exaequat Victoria coelo.

Cf. ibid. 921 l. III, init. IV, init. VI, 50. sqq. ipsum Epicurum in epistola ad Menoeceum apud Diog. Laërt. I. X.: ἀσεβῆς δὲ οὐκέ τῶν πολλῶν θεοὺς ἀναιρῶν, ἀλλ' ὁ τὰς τῶν πολλῶν δόξας θεοῖς προσάπτων.

Epicureus cum Lucretio (libr. I. III, 418. sqq.) canebat:

Nunc age, nativos animantibus et mortaleis
Esse animos, animasque leveis, ut noscere possis,
Conquisita diu, dulcique reperta labore,
Digna tua pergam disponere carmina vita.

Tu face utrumque uno subiungas nomine eorum,
Atque animam verbi caussa quom dicere pergam,
Mortalem esse docens; animum quoque dicere credas:
Quatenus est unum inter se, coniunctaque res est.
et q. sqq.

Cf. Epicurum I. l.: τὸ φρειωδέστατον οὐκ τῶν κακῶν ὁ δάιμονος οὐδὲν πρὸς ἡμᾶς ἐπειδήπερ ὅταν μὲν ἡμεῖς ὕμεν, ὁ δάιμονος οὐ πάρεστιν · ὅταν δὲ ὁ δάιμονος παρῇ, τόδε ἡμᾶς οὐδὲ ἔσμεν.

Quomodo vero is, qui talia dixerat, (et quivis Epicureus sic locutus est), sine summo omnium proborum virorum contentionis timore, religionem animique immortalitatem, ut supra Celsum fecisse vidimus, defendere potuit?

Simul iam concidunt, quae Fengerus octavo Moshemii arguento opposuit. Opinatur quidem (p. 77.), Celsus non tam ad Epicureorum sodalitatem, arcto sane societatis vinculo coniunctam, pertinuisse, quam sua auctoritate et consilio Epicuri placita probasse. Verumtamen concedamus, eum Epicureorum familiaritatem fugisse, (quamquam coacta est minimeque simplex haec opinio,) etiam si fuerit Celsus suo quasi Marte Epicureus, scriptis certe, Origene teste, Epicureismum suum prodiderat. Cf. Origen. contr. Cels. I, 8.: εὐφίσχεται μὲν γὰρ ἐξ ἄλλων συγγραμμάτων Ἐπικούρειος ὢν. Haec vero

scripta magnam partem eum ante suum λόγον ἀληθὴν confecisse, necesse est. Nam hunc librum certe non ante Marcum Aurelium (cf. Fenger. p. 7.), itaque si iam Hadriani temporibus floruit (cf. Orig. c. Cels. I, 8.), provectioni aetate composuit. Quare de Epicureismo eius, cum ἀληθὴν λόγον scriberet, omnibus constabat. Nonne igitur mentem suam celans non modo Epicuri sodalibus, quos eum missos fecisse, ἐκόντες ἀεκόντι γε θυμῷ eum Fengero paulisper ponamus, sed omnibus omnino probi ingenii hominibus sorduisset atque in eorum contemptum vocatus esset?

Iam vero quantopere Epicuri discipuli et in magistri verba iuraverint, et sibi invicem adhaeserint ex plurimis veterum testimoniorum patet, cf. Diog. Laërt. I X, p 269. ex ed. Menagii: οἱ τε γηώριοι πάντες ταῖς δογματικαῖς αὐτοῦ (sc. Epicuri) σειρῆσται φοικατασχεδίτες. Senec. Epist. 33.: Apud istos (Epicureos) quidquid dicit Hermachus, quidquid Metrodorus ad unum refertur. Omnia, quae quisquam in illo contubernio locutus est, unius ductu et auspiciis dicta sunt. Themistius quoque Or. IV. ea, quae ab Epicuro constituta sunt, non secus quam Solonis leges Athenensi, aut Lyurgi Lacedaemonio servari ait. De Epicureorum amicitia cf. Cicer.

de finib. I, 20.: Tria vix amicorum paria reperiuntur, ut ad Orestem pervenias profectus a Theseo. At vero Epicurus, una in domo et ea quidem angusta, quam magnos, quantaque amoris conspiratione conscientes tenuit amicorum greges? quod sit etiamnum ab Epicureis. Adde locum insignem Numenii Pythagorici apud Eusebium in Praep. Evangel. I. XIV, c. 5, quem totum hic exscribimus, quia imprimis ad labefactandam Fengeri opinionem, per se non satis firmam, facere videtur: καὶ γὰρ με δάκνει, ὅτι μὴ πᾶν ἔπαθον τε καὶ ἔδωρ, (sermo est de Platonicis,) σώζοντες τῷ Πλάτωνι κατὰ πάτια πάτιῃ πᾶσαν ὁμοδοξίαν · καίτοι ἄξιος ἢν αὐτοῖς ὁ Πλάτων, οὐκ ἀμείνων μὲν Πινδαγόδου τοῦ μεγάλου, οὐδὲ μέντοι ἵσως οὐδὲ φανδότερος ἐκείνου · φῆσιν τούτην τοῦτο δὲ οἱ Ἐπικοινέοι, οὐκ ὥφελον μέν, μαθόντες δ' οὐδὲ, ἐν οὐδενὶ μὲν ὥφελονται Ἐπικούρῳ ἐναντία θέμενοι οὐδαμῶς, διαλογήσατες δὲ εὖναι Σοφῆς συνδεδεμέοι, καὶ αὐτοὶ διὰ τοῦτο ἀπέλαυνσαν τῆς προσφήσεως εἰκότως · υπῆρχε τε ἐκ τούτου ἐπὶ πλεῖστον τοὺς μετέπειτα Ἐπικοινέοις, μηδ' αὐτοῖς εἰπεῖν πω ἐναντίον οὔτε ἀληθῆσις, οὔτε Ἐπικούρῳ μηδέν, ὅτου καὶ μηδεδῆναι ἄξιον, ἀλλ' ἐσὶν αὐτοῖς παραόμητια, μᾶλλον δὲ ἀσέβητα, καὶ κατέγνωσται

Epicuri tabernaculo sedem sixisse, planeque in irreligiosis illius sententias substituisse, coniectat. Licet enim nobis hypothesi indulgere ad rem satis miram, sed in facto positam, explicandam. Potuisset Fennerus sententiam suam faceto sane Arcesilai effato probabilem reddere, qui caussam reddens cur Epicurei nunquam in aliam scholam transirent: ἐξ οὐεν γὰς ἀνδρῶν, inquit, γάλλοι γίνονται, ἐξ δὲ γάλλων ἀνδρες οὐ γίνονται. (Cf. Diog. Laërt. IV, 43.) Sed ne Origenem quidem rem *in facto* positam esse (sc. Celsum nostrum ἐξ ἀνδρὸς γάλλον γεγονέναι), indubitate affirmare, iam supra probavimus. Nobis contra verus ac solidus rei status hic videtur. Origenes, cum Celsum quandam Epicureum, cuius scripta ipse legerat, eodem, quo adversarium suum tempore vixisse, memoriae proditum esset, nullam hic personarum diversitatem intercedere, concludit. Liberum tamen lectoribus suis iudicium relinquens, quamvis ipse sibi ita persuasisset, eadem omnium animos persuasione imbuere, non est aggressus. Hoc proprii suffragii ius Moshemius cupide arripiens, rationibus adductus haud sane spernendis, aliam sententiam ferendam esse statuit. Nos igitur, excusso omni autoritatis iugo, quasi integri ad quaestionem accedentes, rem denuo in controversiam

vocabimus. Origenis arbitrium non magis, quam ipse eo lectores devincere studet, nos obstrictos tenet, Moshemii argumentorum gravitatem agnoscimus. Itaque videamus, annon fortasse nullo nominis splendore occaecati, liberae disceptationis veniam sollicite nobis vindicantes, sponte Origeni quodammodo concedamus, quod falsis argumentationibus recusavimus.

Et primum quidem illud nos advertit quod Moshemius, Celsum ad Eclecticorum (Neoplatonicorum) scholam refert (Praef. ad Or. c. Cels. interpr. germ. p. 41.) his verbis: In welche Schule diese Weisheit gehöre, ist nicht schwer zu errathen. So spricht Plato, so spricht Philo der Jude, so spricht Plotinus, Porphyrius, Iamblichus, so spricht das ganze Heer derjenigen, die sich nach dem Plato und Pythagoras theils mit Recht, theils ohne Ursache nennen.

Recte quidem Moshemius asserit, Celsum non aliter loqui ac Platonem, Philonem, Plotinum, Porphyrium, Iamblichum; at quamvis non aliter loquatur, aliter tamen sentit. Ubi ille ardor animi, servidus religionis amor et desiderium, alta ingenii indoles, sublimes cogitationes, quae omnia in illis viris, tanquam semina quaedam et scintillulas divinae gratiae et lucis, quae tamen in Christo iis non illu-

xerit, si licet per verbum divinum libenter agnoscimus? Quam frigida contra apud Celsum omnia, quam languidus et affectatus religionis sensus! Ne unam quidem propriam sibi et genuinam, quae philosopho digna esset, sententiam philosophicorum illo verborum fabricator, Platonis simia, protulit. Loquimur sine ira et studio, quorum caussas procul habemus. At qui vis iudex acutus et incorruptus ultro nobis accedit. Nonne ridiculus esset, si quis tibi de Celso narraret, quod de Plotino traditum legimus, eum credisse numen supremum, forma indutum nulla, et plane inenarrabili modo quater sibi apparuisse; quod Porphyrius semel tantum sibi sexagesimum octavum aetatis annum agenti contigisse professus est? (Cf. Porphyr. in Vit. Plotin. ex edit. Ficin. p. 16.) Quomodo hoc congrueret cum Celsi heu quanta loquacitate, quae sane divini alicuius spiritus apparitionem deterrere atque in fugam convertere potuisset, quippe quae profundo animi silentio, summaque mentis intentione excipi velit?

Iam vero quam petulans Celsus fuerit irrisor, quam scurrili et improba dicacitate sanctissimam Christianorum in Iesum, Dominum nostrum, fidem conculcare, ridiculam reddere atque in omnium ad-

ducere ludibrium et execrationem studuerit, iam ipse Origenes, religionis Christianae strenuus vindictor et assertor, locis nonnullis recte notavit (cf. II, 3.: οὐ γὰρ περιέκειτο αὐτῷ φυλαλήθως ὅνα τὰ κατὰ τὸν τόπον ἐτάσσαι ὥν εἴ τι χρήσιμον εὑρίσκοι παραδείγνηται· ἀλλ’ ὡς ἔχθρος καὶ ὅνος τοῦ ἀνατρέψειν ἄμα τῷ ἀκοῦσαι γειώμενος τὰ τοιαῦτα ἀνέγραφεν. III, 22.: δὲ βωμολόχος Κέλσος. IV, 23.: συνάθεως ἁστυφύγην. I, 39. II, 36. III, 55. IV, 10.), et nos ipsius Celsi ludiceris nonnullis effatis ex ingenti eorum farragine electis iam probabimus. Nam cum haec quaestioni nostrae pars mere sit, ut ita dicam, psychologica, naturalem Celsi indolem lectori non modo in memoriam revocare, sed etiam vivide ante oculos sistere, oportet.

I, 39. Pulchrane erat Iesu mater, atque idcirco illam Deus, quem sua natura non patitur humanae formae amore capi, amplexus est? An illum non dedecebat deperire mulierem, quae nec opibus pollebat, nec regio erat genere, utpote quam ne in vicinia quidem ullus cognoscebat? Illam nec divina potestas nec oratio ad faciendam fidem apposita servavit, quominus odio habita a fabro expelleretur. Nihil igitur horum omnium ad regnum Dei pertinet.

II, 36. Et sanguis ille, qui e corpore in cruce sublatu fluxit, fuitne

Huius similis, sacro qui manat corpore Divum?

III, 17. Celsus res nostrae fidei cum Aegyptiorum rebus comparare vult: „ad quos si accesseris, statim se offerunt splendida fana et luci, magna pulchraque vestibula, admirabilia templa, eximia circumquaque umbracula, ceremoniae religiosae admodum et arcanis referatae: postquam autem ingressus es et ad penetralia pervenisti, cernis adorari aut felem, aut simiam, aut crocodilum, aut hircum, aut canem.“ Habet locum plane similem apud Lucianum in *Imaginibus* c. 11.: *καὶ γε αἱ τοιαῦται δύοιαὶ μοι δοκοῦσι τοῖς Αἰγυπτίοις ἴεροῖς κάκεῖ γάρ, αὐτὸς μὲν δὲ νέως καλλιεργός τε καὶ μέγιστος, λίθοις τοῖς πολυτελέστιν ἡσαηπιένος, καὶ χρυσῷ καὶ γραφαῖς διηγνωσμένος· εὗδον δὲ τὴν ζητῆσι τὸν Θεόν, η̄ πιθηκός ἐστι, η̄ ἵβης, η̄ τράγος, η̄ ἀλουρρος· unde, Celsum Luciani scripta legisse, facile conicias.*

III, 55. Et in privatis aedibus videre est laniaces, sutores, fullones, imperitissimum quemque et rusticissimum coram senioribus et prudentioribus patribus familias nihil audere proloqui; ubi vero seorsum nacti fuerint pueros et mulierculas aequae ac ipsi imperitas, mira quaedam disserunt: non au-

diendos esse patrem et praeceptratores, sibi esse credendum; illos delirare et mente esse captos, nihil vere honesti aut videre aut facere posse nugis inanibus praecoccupatos; se solos scire, quomodo vivere oporteat, si dictis adiungant fidem, felices fore, totamque familiam. Interea dum haec loquuntur, si vident aliquem ex praceptoribus, ex prudentioribus, aut patrem ipsum accedere, qui timidiores sunt, ii tremefacti silent; sed ferociores pueris autores sunt, ut habenas excutiant, insurantque ad aures, se nec posse, nec velle illis, praesentibus patre et praecceptoribus, quidquam boni explicare; aversari se stultitiam et saevitiam horum hominum perditorum et extrema nequitia praeditorum, qui ipsos punirent; sed si quid discere velint, oportere, ut, relicitis patre et praecceptoribus, eant cum mulierculis et sodalibus in conclave mulierum, aut in sutoriam officinam, aut in fulloniam, ibi quod perfectum est edocendi; atque sic persuadent.

IV, 15 et 16. Postquam Deus ignem iniecerit ut coquus, tum cetera quidem tostum iri, sed se solos (sc. Christianos) evasuros incolumes.

V, 64. Haereticorum quorundam nomine sive vera sive fictitia afferens, dicit quosdam apud Christianos „aurium cauteria“ appellari, alios „aenig-

illa cum proeliis coturnicum conferens; et ipsos ait ob senectutem inertos et delirantes desinere sibi invicem infensos esse, filiosque pugnare sinere. Iustus sane hic est Origenis stomachus: ὅπερ οὐν εἴπει ἐν τοῖς ἀνωτέρω, τοῦτο φήσομεν πρὸς αὐτόν, ποία γραῦς καταβατικαλῶσσα παιδίον οὐκ αἰδεσθήσεται τοιαύτα λέγειν, ὅποια οὗτος ἐν τῷ ἐπιγραφομένῳ ἀληθεῖ λογοῦ; δέον γάρ αὐτὸν πραγματικῶς στῆναι πρὸς τοὺς λόγους, ὃ δὲ ἔσταις τὰ πράγματα παιδεῖ καὶ βωμολοχεῖ, οἰόμενος μίμους γράφειν ἢ τινα σκάμματα, οὐκ ὁρῶν, ὃι ἡ τοιαύτη ἀγωὴ τῶν λόγων παρὰ τὴν πρόδεσιν τὴν αὐτοῦ ἐσι, βουλομένου καταλιπόντας ἥμας χριτιανισμὸν προσέχειν αὐτοῦ τοῖς δόγμασιν ἄπινα εἰ μὲν ἐσερυπολόγει, τάχα πιθανώτερα ἦν ἐπειδὲ χλευαζεῖ, καὶ παιδεῖ, καὶ βωμολοχεῖ, φήσομεν, ὃι ἀκογία σερινῶν λόγων (οὐ γάρ ἔχειν αὐτοῖς, οὐδὲ ἤκιστο,) εἰς τοσαύτην ἐνέπεσε φλυαρίαν.

VI. 78. Praeterea si Deus, ut Iuppiter comœdiae, longo somno experrectus humanum genus ab ipsius malis liberatum volebat, quorsum illum quem dicitis spiritum in unum terrae angulum misit? Oportuit simili modo insufflare illum in multa corpora et in universum orbem emittere. At comœdus, ut in theatro risum excitaret, scripsit Mercurium ab exergefacto Iove missum ad Athenienses

nutorum opuscularum fabricator, fuisse videatur.“ Eodem capite de Peripatetico Stratone Lampsaceno, Theophrasti discipulo, dicit: „Negat opera Deorum se uti ad fabricandum mundum; quaecunque sint, docet, omnia esse effecta natura“ et q. sqq., imprimis verba: „Sic ille et deum opere magno liberat, et me timore.“ — Deinde sic concludit Academicus: „Nec Stratoni tamen assentior, nec vero tibi; modo hoc, modo illud probabilius videtur.“ — His locis a Wesselungio indicatis adde Cicer. de natur. Deor. I. I. c. 13., ubi de eodem Stratone sermo est: „Omnem vim divinam in natura sitam esse censem, quae caussas gignendi, augendi, minuendi (immutandique) habeat, sed caret omni sensu et figura.“ Cf. Lactant. de ira Dei c. 10. August. de civit. Dei I. VI. c. 10. Cicer. de Fin. I V, c. 5.

Vidimus praeterea Celsum in doctrina de Deo et de anima humana explicanda Platoni prorsus assentiri, de mundi vero creatione certam opinionem non proferre. Quare facile fieri potest, ut de hac potissimum doctrina sive dubius haeserit, sive alium quem secutus fuerit. Praeterea constat, physicam Platonicae philosophiae partem præceteris et maximis obscuritatibus oppressam nec satis accurate et concinne esse elaboratam atque politam. Quae qui-

dem res philosophum, alias Platoni addictissimum, ut in hac systematis particula ab illo discederet, facile invitare poterat.

Quod ad alterum Celsiana sententiae partem attinet, quam posuimus hanc: „etiamsi dixeris illa hominibus nata esse, cur dices ea magis hominibus nasci, quam ferissimis animantibus?“, non illa quidem omnem omnino providentiae notionem tollit. Possemus ex Aristotelis mente interpretari, qui, Athenagora teste, quae infra coelum sint, nulla providentia regi putavit ($\tauὰ \chiατώτερα \tauοῦ οὐρανοῦ ἀπορόητα ἔχοιησεν$, quem locum ascivit Wesselius l. l.) Cf. Eusebium in praep. evangel. I. XV, c. 50.: Ἀριστοτέλης, μέχρι σελήνης εῆσας τὸ θεῖον, τὰ λοιπὰ τοῦ κόσμου μέρη περιγράφει τῆς τοῦ θεοῦ διοικήσεως. Tatian. contr. Graec. p. 142.: καὶ Ἀριστοτέλης ὀμαδῶς ὅδον τῇ προνοίᾳ θεῖς. Sed magis huc facere videtur Ciceronis effatum, qui haec habet in libro de natur. Deor. II, 66: „Nemo igitur vir magnus sine aliquo afflato divino unquam fuit. Nec vero ita refellendum est, ut, si segetibus aut vineis cuiuspiam tempestas nocuerit, aut si quid e vita commodis casus abstulerit, eum, cui quid horum acciderit, aut invisum Deo, aut neglectum a Deo iudicemus. *Magna Diū curant, parva negle-*

gunt.“ Cf. l. III, c. 35. et imprimis c. 39. Cf. Euripid. apud Plutarch. praec. polit. p. 811.:

Τῶν ἄγαν γὰρ ἀπτεται

Θεος, τὰ μικρὰ δ' εἰς τύχην ἀνεις ἐστι.

Similiter Celsus magna tantum i. e. totum universum Deum curare existimavit. Cf. IV, 99.: „Non igitur homini facta sunt haec omnia, ut neque leoni, neque aquilae, neque delphini: sed ut hic mundus, quod opus Dei est, integer et omni ex parte perfectus esset: quapropter eius partes non ita comparatae sunt, ut ad se invicem, nisi secundario, sed ad universum referrentur. *Hoc universum Deo curiae est; illud nunquam providentia divina deserit.*“ Cf. Aristot de mundo c. 2.: *Λέγεται δὲ καὶ ἐπέρως κόσμος ἡ τῶν ὅλων τάξις τε καὶ διακόσμησις, τὸ δέον τε καὶ διὰ δεὸν φυλαττομένη.* Optime Neanderus (Kirchengeschichte I. p. 174.): „Ihm (dem Celsus) erscheint nach der herrschenden Ansicht des Alterthums das Universum als Ganzes, der einige Selbstzweck der Gottheit, der Mensch nur als Theil des Universums, nicht als Selbstzweck. Was die Christen von einer auf den Einzelnen sich beziehenden Vorsehung, von dem Sorgen Gottes für das Heil jedes Einzelnen lehren, erscheint ihm daher als eitele Unmaßlung.“ — Celsum aliis locis divinam providentiam agnovisse

pater ex ipsis Origenis verbis l. V, c. 3.: Φευδοκοιάστεις αὐτοῦ τοὺς λόγους, ἐν οἷς τίθησι θεοὺς καὶ πρόνοιαν. IV, 63.: Οὐκ οἶδα δὲ τίνα τρόπον πρόνοιαν τιθεῖς ὅσον ἐπὶ ταῖς λέξεσι τοῦ βιβλίου τούτου et q. sqq.

Itaque si fuit Celsus Epicureus, quae exstant apud Origenem l. IV, c. 75., eum sensu Epicureo dixisse, largiri licet; sin minus, hic certe locus Epicureorum scholae eum fuisse ascriptum, minime efficit.

Alterum Epicureismi vestigium Fengerus in Celsi de magia decretis reprehendere sibi visus est. Concedit eum in universum quidem vim magiae agnoscere, tamen quae una manu donet, eadem fere altera auferre. Sed haec res altioris est indaginis; quare infra, ubi in disputationis nostrae decursu opportunior sese praebebit quaestionis instituenda locus, ad eam recurrentes accuratius exsequemur. Hoc tantum pro certo affirmaverim, locos, ubi Origenes Celsi Epicureismum odoratur, fere omnes esse eiusmodi, ut, nisi quis iam praejudicata opinione accedat, nequaquam ex his solis, accurata aliorum locorum instituta comparatione, coniecturus sit, Celsum nostrum fuisse Epicureum (Cf. modo l. II, c. 41. 42. 60. III, 35. 80. IV, 86. V, 3.)

Contra tertium et quartum Moshemii argumentum ita disputat Fengerus p. 25. sqq., ut tres dicat posse cogitari rationes, cur Origenem vera non scripsisse existimemus, primum inscientiam, deinde negligentiam, denique fraudem magis vel minus quam.

Iam primum quod nemo unquam dubitavit, quam doctus et acutus fuerit Origenes, ex amicorum, inimicorum, Eusebii, Porphyrii, Epiphani, Hieronymi testimoniis probat. Quare periculosum esse, Origenem, qui tam bene omnem philosophiae, singularumque eius sectarum historiam cognitam habuerit, inscientiae accusare, praesertim si assumas, Origenem octoginta vel nonaginta annis post Celsum, Moshemium tot saeculis praeteritis vixisse.

Sed interest inter ignorantiam et inscientiam. Ignorantiae in universum Origenem accusare minime licet, inscientiae certae cuiusdam rei vel eruditissimum postulare, non iniquum est. Sunt etiam, quae scire omnino non possimus, sed conjectura tantum assequi. Haec nescire, nulla contumelia est. Quod vero Fengerus ad Origenis aetatem Celso tam propinquam provocat, id nihil aliud est, quam omni operae criticae viam praeccludere. --- Negligentiae deinde crimen Origenem purgare studet hoc modo:

Cum Origenes ipse dubitet, num alii, quos nominat, libri (I, 68.: οὐκ ὅδα εἰ δὲ αὐτὸς ὡν τῷ γράφων πατὰ μογείας βιβλία πλείονα. IV, 36.: δὲ Ἐπικοινόειος Κέλσος, εἴης οὗτός εἰπε καὶ δὲ πατὰ Χριστιανῶν ἄλλα δύο βιβλία συντάξας) Celsus adscribendi sint, crisi in videmus ab eo adhibitam esse.

At quaeritur, diligens an negligens fuerit in hac crisi administranda. Illud οὐκ ὅδα et εἰ γε profecto summam diligentiam non prodit. Quid multa? errare, ut est in proverbio, humanum est; quis vero negaverit, etiam doctissimum ac sagacissimum, hominem esse.--Porro ex Fengeri sententia falso Moshemius contendit, Origenem in iudicio de Celsi persona faciendo nihil habuisse, nisi nomen et tempus, cum id Origenes nusquam dicat.

At quaeritur, ubi contrarium dicat? Nam quod ex aliis Celsi libris clarum fieri pronuntiat, eum fuisse Epicureum (cf. I, 8. εὐφίσκεται μὲν γὰρ εἰς ἄλλων συγγραμμάτων Ἐπικοινόειος ὡν), de hoc ipso adhuc sub iudice lis est, num hi libri eiusdem fuerint auctoris.

Fraudis denique culpam a Moshemio Origeni inflictam non male removisse videtur Fengerus. Se- cutus quidem est Origenes pravum Platonis iudicium, quod exstat I. III. de Republ. p. 389.: Τοῖς

ἄρχουσι δὴ τῆς πόλεως, εἰς πέρι τισιν ἄλλοις, προσήκει φεύγεσθαι η̄ πολεμίων η̄ πολιτῶν ἐνεκα ἐπ' ὠργεινά τῆς πόλεως. Τοῖς δὲ ἄλλοις πᾶσιν οὐχ ἀπέσον τοῦ τοιούτου. V, 459.: συχρῆτε τῷ φεύγει καὶ τῇ ἀπάτῃ κινδυνεύει ἡμῖν διότεν χρῆσθαι τοὺς ἄρχοντας ἐπ' ὠργεινά τῶν ἀρχομένων. — Testatur hoc Hieronymus, qui in Apologia I. contr. Rusin. Tom. II. Opp. p. 138. ipsam Origenis de hoc argumento orationem ex amissio eius Stromatum volumine repetit. Ad hanc rem faciunt haec imprimis verba: „Homo autem, cui incumbit necessitas mentiendi, diligenter attendat, ut sic utatur interdum mendacio, quomodo condimento atque medicamine, ut servet mensuram eius, ne exceedat terminos. — — — Ex quo perspicuum est, quod, nisi ita mentiti fuerimus, ut magnum nobis ex hoc aliquod quaeratur bonum, iudicandi simus quasi inimici eius, qui ait: Ego sum veritas.“ — Grave sane testimonium, quod non nimis savet Origenis fidei. Huic accedat alterum ex Origen. Praefat. ad libr. contr. Cels. c. 5. petitum, ubi inter ἀπάτην κενήν et οὐ κενήν distinguit, quan- ne Deo quidem indignam esse contendit. Tamen non gravatum Fengeri concedimus, ipsum Origenem, quanvis falsae de mendaciorum usu deditum opiniōni, tam in vita, quam in scriptis ita ingenuum ac

sincerum apparere, ut perniciosae illius sententiae usum fecisse videatur nullum. Libri IV. capiti 19, quem locum citat Fengerus, adde imprimis III. 16, ubi Origenes bonum adversarii dictum agnoscit his verbis: *καίτοι γε, γύνη γάρ η ἀληθεια, φησὶ πρὸς τοὺς τελευταίους ὁ Κέλσος εἰ πάντας τὰ κατὰ τὸν τόπον ἔχεται ζωμεν.* VIII, 76.: *εἰ δέ πού τι ἀληθὲς λέγεται (sc. a Celso), τούτῳ ἀφίλονείως, ὡς καλῶς εἰρημένῳ, μαρτυρήσωμεν.* Omnino si Origenes tantum momentum in eo positum esse putasset, ut Celsi Epicureum fuisse lectoribus suis, repugnante adeo veritate, persuaderet, non movisset ipse, ut postea videbimus eum fecisse, aliquot locis ea de re dubitationem. Immo tam firma Celsi calumniis opposuit argumenta, ut, adversarium suum Epicureismi crimine infamare, haud multum ipsius interesse potuerit. Hoc certe commodum mendacio sibi non peperisset. Deinde etiamsi hanc fraudem in hominem tam impium sibi licitam, propositoque suo utilem esse existimasset, maxima tamen fuisse imprudentia, fraudem committere, quae tam facile subolere atque detegi posset et detecta sibi omnem autoritatem detrahere deberet. Nemo vero antiquitatis temporibus, ne inter adversarios quidem, hoc Origenis dictum unquam, quan-

tum quidem comperire potuimus, in dubium vocavit. — Malignitatis omnino tum demum scriptor insimulari potest, si exstiterunt et Origeni nota fuerunt certa quaedam de Celsi persona testimonia, quae eum Epicureorum sectae non adhaesisse probarent; sin minus, Origeni suum sibi iudicium formare licebat, quod, sive rectum fuerit sive falsum, mendacium certe appellari nequit.

Contra quintum Moshemii argumentum Fengerus p. 32. sqq. scholiastae ad Luciani Pseudomartin testimonium affert. Is de Celso, cui Lucianus hunc librum suum dedicaverat, haec dicit: *Οὐτός ἐστι Κέλσος ὁ τὴν καδ' ἥμιῶν μαχαρὰν φρυναφίαν ἐν ὄκτω γραῦφας βιβλίοις.* *Ἐν πρώτῳ ἑστάθμον ἀντεῖαγόμενος πρόσθεσιν ὁ σκουδαστός ἀντεῖπεν Ὁριγένης μεστοὺς ἀπάσης σοφίας καὶ εὐσεβείας ἐξυφηνάμενος λόγους καὶ ληρούς ἀκορήνας τὸ δαυμαστὸν αὐτὸν σκουδασμα.* Sed cum Luciani scholiastae ita negligenter hactenus sint tractati, ut nihil certi de pretio et aetate eorum possit statui atque definiri, Moshemio Fengerus concedit, non multum huic testimonio ponderris esse attribuendum. — Attamen scholiasten nostrum minime fuisse e servili imitatorum pecore, ita ut ea modo repetiūset, quae apud Origenem invenisset. Nam de Epicureismo Celsi proprie-

non loqui scholiasten; modo tradere, eum Celsum, cui Lucianus Alexandrum suum dedicaverit, esse eundem, contra quem Origenes scripserit; et hac de re sane nihil apud Origenem legisse, qui ne verbo quidem illius scripti Lucianei faciat mentionem.

At qui negari potest, scholiasten sententiam suam simplicissima ex Origenis verbis effecisse conclusione? Nam si duo tantum, Origene teste I, 8, fuerunt Celsi Epicurei, quorum alter Hadriano imperatore et postea floruit, si hoc eodem tempore et Celsus noster et Luciani amicus vixerunt, ambo Epicurei, nonne inde unicuique perspicuum est, utrumque unam eandemque fuisse personam? Praeterea l. I, c. 68. ipse Origenes innuit, Celsum, librorum contra magiam scriptorem, eundem illum fuisse Christianorum adversarium.

Similiter Eusebii (hist. eccles. VI, 36.) testimonium de Celsi nostri Epicureismo corruit. Ipse quidem Fengerus non repugnat, fieri potuisse, ut Eusebius solum Origenis iudicium secutus sit, sed cum fontes suos non nominet, quid impedit, interrogat, quominus vel alios quoque autores secutus fuerit, vel ipse varia Celsi scripta revolverit? — Responsio in promptu est: Quid impedit, nos contra

interrogamus, quominus Origenem tantum exscripserit? — Hoc non est argumentari, sed argumenta extorquere. Num ipsa Eusebii verba: ἐν τούτῳ καὶ τὰ πρὸς τὸν ἐπιγεγραμμένον καὶ ήμῶν Κέλσου τοῦ Ἐπικουνγίου ἀληθῆ λόγον ὄχτὼ τὸν ἀριθμὸν συγγράμματα συντάπτει (sc. Origenes), propriae et accurationis indagationis speciem praeseferunt? — Ita quae Eusebius de Crescente, cynico philosopho, Christianorum adversario, noverat (hist. eccl. IV, 16.), ex Iustino tantum et Tatiano hausta esse videmus.

Ne sextum quidem Moshemii argumentum Fengerus p. 19. sqq. omnino dissolvit. Nimirum re studiosius pensitata sane Origenis de Celsi Epicureismo iudicium inconstans fuisse invenies.

L. I, c. 68. Origenis verba haec sunt: ὅρες ὡς διὰ τούτων οἶνε παραδέχεται (δ' Κέλσος) μαγείαν εἶναι· οὐχ οἵδα εἰ δ' αὐτὸς ὁν τῷ γεάφαντι κατὰ παγεῖας βιβλία πλείονα, ubi Fengerus adnotat: Non de Epicureismo Celsi dubitat Origenes, sed se necire fatetur, num Celsus idem sit, qui plures contra magiam libros conscripserit. — Atl. I, c. 8. Origenes dixerat: δύο δὲ παρειλήφαμεν Κέλσους γεγονέναι Ἐπικουνγίους· τὸν μὲν πρότερον κατὰ Νέρωνα· τοῦτον δὲ, καὶ Ἀδριανὸν καὶ κατωτέρῳ. Iam vero scriptor

ille librorum contra magiam Hadriani temporibus et postea vixit. Fuit Luciani amicus, Epicureus. Cf. Lucian. Pseudom. c. 21.: καὶ μάλιστα σοῦ (Celsum alloquitur) ἐν οἷς κατὰ μάχην συνέργειας καλλίσιοις τε ἄμα καὶ ὑφελικωτάτοις συμμέμασι καὶ δυναμένοις σωφρονίζειν τοὺς ἐντυγχάνοντας, ἵκανὰ καραδεμένουν, καὶ πολλῷ τούτων ἀλείονα. c. 47.: "Ἐν γοῦν καὶ γελοιότατον ἔποιησεν ὁ Ἀλέξανδρος· εὐδῶν γάρ τὰς Ἐπικούρου κυρίας δόξας, τὸ κάλλιστον, ὡς οἱ σὸν, τῶν βιβλίων καὶ περιταλιών; περιέχον τῆς τάνδεος σοφίας δόγματα et q. sqq. c. 61.: τὸ κλέον, ὅπερ καὶ σοὶ ἥδιον, Ἐπικούρῳ τιμωρῶν, ἀνδρὶ ὡς ἀληθῆς ἰσερῷ καὶ ἀστερίῳ τὴν φύσιν καὶ μόνῳ μετ' ἀληθείας τὰ καλά ἐγνωκότι καὶ παραδεδωκότι καὶ ἐλευθερωτῇ τῶν διαιλησάντων αὐτῷ γενομένῳ. Si igitur dubitat Origenes, num Celsus noster librorum contra magiam autor sit, necessario etiam dubitat, num Epicureus fuerit. Nam duo Hadriani temporibus Epicurei, ipso Origene teste, non viixerunt.

L. IV, c. 36. Origenes Celsi verba afferit, quibus Hesiodum aliosque antiquitatis vates ἐνθείους vocat. Quae cum Platone dissentire contendit. (Quamvis non recte omnino. Cf. Plat. Io. p. 533.: πάντες γάρ οἵτε τῶν ἐπῶν ποιηταὶ οἱ ἀγαθοὶ, οὐκ ἐπέχνης, ἀλλ’ ἐν θεοῖς ὄντες, καὶ κατεχόμενοι, πάντα τὰ παλὰ λέγουσι ποιῆματα. Vid. p. 534. de legg. III, p. 682. Phaedr. p. 245. Apol. p. 22.)

Quare sic pergit: ὃ δὲ κρίνειν μᾶλλον Πλάτωνος δυνάμεινος, ὃ Ἐπικούρειος Κέλσος (εἴγε οὐτός ἐστι καὶ ὁ κατὰ Χριστιανῶν ἄλλα δύο βιβλία συντάκτης) τάχα ἥμιν φιλονεικῶν, οὓς μὴ ἐφρόνει ἐνθέους, ἐνθέους ὀνόμασεν. Fengerus Origenem hoc loco non de Celsi Epicureismo dubitare, sed illud tantum in suspenso relinquere existimat, utrum Celsus noster Epicureus alios quoque duo contra Christianos libros conscripserit, necne. — Sed nimis festinante pede hic transcurrit. Nam quaeritur, cur omnino Origenes parenthesis illam, quae verbis εἴης incipit, inseruerit.

Duae omnino videntur statui posse interpretandi rationes, prior ut illud εἴης arcte referamus ad verbum Ἐπικούρειος, ita ut caute restringat Origenis dictum, (sc. Celsum nostrum fuisse Epicureum,) scriptorisque haec sit opinio, Celsum nostrum tum demum esse Epicureum, si non modo ἀληθῆ λόγον, sed alios etiam illos duo contra Christianos libros exaraverit, quibus clariora inerant Epicureismi indicia. Itaque ut rem subtiliorem dilucidius exponamus, Origenes sic ratiocinatur: Ex-

stant Celsi cuiusdam aperte Epicurei libri duo contra Christianos; si Celsus meus idem scriptor est, fuit et ipse Epicureus; at dubito, num idem sit (*εἰγε*); quare dubito, num iure eum Epicureum non nomen.

Sed fortasse altera interpretatio, qua Fengeri sententia defenditur, simplicior videtur. Videlicet Celsus noster modo Hesiodum, aliosque poëtas veteres ἐνθέων cognomine insigniverat; supererat aliis Celsi cuiusdam liber contra Christianos, in quo poëtarum illorum fabulas Epicureorum modo irriserat. Tum Origenis sententia haec est: si (*εἰγε*) Celsus meus Epicureus etiam illa ἀλλα δύο βιβλία composuit, inde apparet, illum Graecos poëtas, non quo re vera ita haberet, sed tantum ut Christianis contradiceret, divinitus afflatos vocasse. Sed tum, meo quidem iudicio, hic potius requireretur verborum ordo: ὁ δὲ κρίνειν μᾶλλον Πλάτωνος δυνάμενος, δὲ Ἐπικούρειος Κέλσος, τάχα ἡδὺν φιλοτεικῶν, οὓς μὴ ἐφρόνει ἐνθέους (*εἴγε οὐτός εῖτι καὶ δὲ κατὰ Χρι-*
στιανῶν ἀλλα δύο βιβλία συντάξας) ἐνθέους ὠρόμασεν. Praeterea si Celsus noster Origeni sine dubio fuit Epicureus, etiam sine illorum duorum librorum testimonio asscrivisset, eum laudandis et ἐνθέους vocan-

dis veterum poëtarum fabulis, veram mentem suam celasse.

Quare nisi parenthesin illam (*εἰγε — — συντάξας*) Origenem plane incogitanter hoc loco adiunxisse dicamus, ex simplicissima interpretatione Origenis de Celsi Epicureismo dubium continet.

De l. IV, c. 83. ἐν πολλοῖς πλατωνίζειν δένει recte iudicat Fengerus l. l. p. 19. Origenem enim de Celso non dicere ἐν πολλοῖς πλατωνίζειν, sed ipsum verbum δένει aperte indicare Celsum, ex Origenis sententia, non ex animo philosophiam platonicam professum esse, sed modo speciem eius sibi vindicare quaevisse. Aliter vero res se habet loco gravissimo l. IV, c. 54.: Φέρε καὶ περὶ τούτων ἐκ ὀλίγον διαλάβωμεν ἐλέγχοντες τὸν ἥτοι μὴ προσποιούμενον τὴν ἑαυτοῦ Ἐπικούρειον γνώμην, ἢ (ὧς ἂν εἴποι τις) ὕστερον μεταθέμενον ἐπὶ τὰ βελτίω, ἢ καὶ (ὧς ἀν ἐπερος λέγοι) τὸν διμώνυμον τῷ Ἐπικουρείῳ. Nam etsi demus Fengeri, quod an dari necesse sit, adhuc dubitare licet, inter tres sententias propositas, primam esse ipsius sententiam, satis superque indicare Origenem, et additamentis ὡς ἀν εἴποι τις et ὡς ἀν ἐπερος λέγοι suam a ceteris, quae modo cogitari possent, distinguere: tamen posse ab aliis aliter

iudicari, Origenes concedit, quod nisi suam opinionem firmis indubitatisque rationibus stabilire non potuisset, nunquam fecisset. Nam si ei pro certo exploratum fuit, Celsum nostrum fuisse Epicureum, non video, quidni alii quoque ita probare potuerit, ut nulla alia hac de re sententia iniri posset.

Ex tribus locis modo allatis (quibuscum cf. I, 32.: Κέλσον, εἴτε φρονοῦντα εἴτε μὴ πλὴν παρατιθεμένον τὰ Ιητάνων. III, 49.: καὶ μάνισα ἐπεκχούσειος ὃν ἔλεγχοτα [sc. δὲ Κέλσος].) illud insuper verisimillimum fit, Origenem in formanda sua de Celsi Epicureismo sententia non certam quandam et accuratam rerum traditionem, sed suum modo iudicium secutum esse: de cuius iudicii veritate, qui erat eius animus candidus et sincerus, ipse interdum dubius haeret, nec certus est suaे opinionis. Praeterea I, I, c. 8. ex aliis scriptis pronuntiaverat probari Celsi nostri Epicureismum, et ubi illa scripta citat, dubitat, num eiusdem sint autoris.

Contra septimum Moshemii argumentum, simulationem ab Epicureis maxime fuisse alienam, Fennerus p. 75. sqq. sic fere ratiocinatur:

Celsus non modo contra Christianos, sed propaganis etiam librum suum composuit; quare quamvis in universum concedamus, Epicureos satis im-

et Lacedaemonios fuisse; tu vero non putas, te magis esse ridiculum, qui Dei filium ad Iudeos missum esse contendis?

VII, 9.: Multi, iisque sine nomine, quacunque data occasione, in templis aut extra tempora, id faciunt maxima facilitate: alii se in urbes et exercitatus ingerunt, ibique convocata multitudine, erumpunt in gestus quasi fatidicos. Singulis pronta hacc et usitata sunt: Ego Deus sum, aut Dei filius, aut divinus spiritus. Venio, quia mundus iam periturus est. Et vos, o homines, perituri estis propter iniquitates. At ego volo vos fieri salvos, et vos me rursus videbitis cum coelesti potestate redeuntem. Beatus, qui nunc me colit: alios omnes in ignem aeternum inüciam, simulque regiones et urbes. Qui nesciunt, quae sibi immineant poenae, ii frustra poenitentiam agent et ingemiscunt; qui vero mihi fidem habuerint, ego illos aeternum servabo. — His magnificis promissis adiiciunt ignota, fanatica, prorsus tenebricosa, e quibus ne sapiens quidem erucere sensum possit, adeo obscura sunt et nullius sententiae. At stupido cuique aut impostori locum dant, illa ad quamecumque rem pro libitu accommodandi.

VII, 53. Celsus Christianos sic alloquitur: Quanto vobis satius erat, siquidem novarum rerum desiderio tenebamini, aliquem eorum consecitari, qui generosam oppetiere mortem, et in quos fabula, quae divinitatem iis tribueret, non male conveniret? Age, si minus placebat Hercules, Aesculapius, et alii antiquis temporibus celebrati, Orpheum habebatis, virum divino spiritu afflatum, ut fatentur omnes, eumque morte violenta extinctum. Fortasse illum ante elegerant alii. Sed Anaxarchus se offerebat, qui, iniectus in mortarium et contritus crudelissime, ludos faciebat supplicium: „Tunde, inquiebat, tunde Anaxarchi vaginam, ipsum enim non tundis.“ Quae vox est profecto divini cuiusdam spiritus. Sed erant et alii Physici, qui eius disciplinam sectarentur. — Num quid non Epictetum habebatis? qui, cum herus ei crus torqueret, subridens et hac re nihil commotus, „Perfringes“ inquit; cumque ille perfregisset, „Dixin hoc futurum?“ Quid simile Deus vester in supplicio dixit? Et Sibyllam, cuius autoritate quidam e vestris utuntur, si Dei filiam esse dixissetis, probabilius fuisse. — Nunc autem, cum in eius (Sibyllae sc.) scriptis multa impia temere inserueritis, Deum esse vultis eum, qui vitam infamem morte miserabili finivit. Quanto aptior erat

Ionas in ceti ventre conclusus, aut Daniel faucibus ferarum ereptus, aut alii istis adhuc prodigiosiores.

VIII, 38 — 40. Celsus ait Christianos dicere: Ecce accedens ad Iovis aut Apollinis aut cuiuslibet alterius dei simulacrum, contumelias illud laccesso alapisque caedo, nec tamen ulciscitur. Quibus ipse respondet: Non vides, o bone, esse etiam, qui tuum daemonem non modo coram contumelias oneret, sed etiam ex omni terra marique expellat, et te, quasi simulaerum illi consecratum, vinculis constringat, trahat ad supplicium, et cruci affigat; nec daemon ille tamen, aut, quemadmodum loqueris, ille Dei filius ex isto poenas repeatat? Et Apollinis aut Iovis sacerdotem sic respondentem facit: „Sero molunt deorum molae“ et „In natos natorum et qui nascentur ab illis.“ et c. 41.: Tu maledicis illorum simulacris eaque ludibrio habes; qui, si Baccho ipsi aut Herculi praesenti conviciatus esses, fortasse laetus non discessisses. Sed qui praesentem tuum Deum distenderunt supplicisque cruciverunt, ii ob eiusmodi facinus nihil mali passi sunt, sed neque longo post illa tempore. Quid novi ab illo tempore accidit, quod fidem faciat, cum non impostorem hominem, sed filium Dei esse? Ille ipse, qui filium miserat, ut quaedam annunciareret,

eum postea ita crudeliter excruciatum, ut una cum ipso mandata perierint, neglexit, et tot elapsis saeculis iam nondum expurgiscitur. Ecquis tam inhumanus pater? Sed enim, inquis, non contumeliis affectus est, nisi quia fortasse voluit. At quos proscindis iniuriis, illos etiam dicere licet sic tractari velle, et propterea iniurias aequo animo tolerare. Nam paria paribus conferre optimum. Quamquam illi conviciatorem severe puniunt, qui idcirco aut fugit aut latitat, aut captus ad supplicium protahitur.

Sed ohe! iam satis est. Nonne ex hoc disputandi et irridendi genere sive mortis Peregrini scriptorem, sive aliquem eius simillimum agnoscere tibi videris? Num tam iocosus cavillator Ammonii τοῦ Θεοδιδάκτου, Plotini τοῦ μεγάλου, Amelii τοῦ γερραιοῦ, Theodori τοῦ θαυματοῦ, Iamblichī τοῦ θείου, Porphyrii τοῦ φιλοσόφου discipulus et sodalis tibi videtur? Si quis ex te quaereret, ad quodnam potissimum systema philosophicum tam lascivi hominem ingenii inclinasse existimes, num gravi Platonicorum scholae, an protero Epicureorum gregi annumerares? Licet enim in universum ex animo et moribus hominis de eius philosophandi genere conjecturam facere. Plotinus etiam (cf. Vogt Neoplatonismus und Christenthum Th. I, p 141 sqq.)

et Porphyrius Christianos vituperant, nunquam tamen tam leviter et scurriliter rident. Porphyrius Iesum sapientem certe, probum pliisque hominem fuisse, concedit (cf. Euseb. in demonstr. evang. l. III, c. 6. p. 134. August. de civit. Dei l. XIX, c. 23.), quamvis ne ipse quidem Servatorem mundi, Deique filium in eo agnoverit. — Quare primum contra Moshemium dicere licet, Celsum, quamvis Platonicas sententias proferat, animo tamen fuisse Epicureum.

Iam, quod proximum videtur, ad resellendam alias sententiae affirmationem, quae exstat apud Mosh. Praef. p. 56., nos accingamus. Ibi enim ita loquitur: Celsus ist, daß ich es kurz mache, ein Mitglied der sogenannten eclectischen Parthei, die schon eine geraume Zeit vor ihm zu Alexandrien in Aegypten geblüht und viele derselben an sich gezogen hatte, die keine Unterthanen eines griechischen Weltweisen werden und der Weisheit selber nachspüren wollten. Diese Bande wählte frei aus allen Sekten, was ihr das Beste und Wahrhaftigste zu sein schien, und hielt sich doch in den wichtigsten Lehren von Gott, von der Welt, von der Seele, von dem höchsten Gute, von dem Endzwecke des Menschen an den Plato. Man schlage die Schrift des Celsus auf, wo man will, so kommt einem dieser Geist entgegen. Er verachtet keinen der alten Weisen. Er

ziehet sie alle ohne Unterschied an und rühmet sie, den einzigen Epicurus ausgenommen, den die eclectische Schule eben so wenig als die jüngere platonische leiden konnte. (Cf. eiusdem Moshemii de turbata per recentiores Platonicos eccllesia commentationem in dissert. ad hist. eccl. pert. p. 91, b.) Et Eclecticos quidem, qui proprie sic appellantur, Potamenicos dico et Neoplatonicos (qui an propinqua inter se fuerint cognatione coniuncti, neeno, nihil hic disceptare attinet) recte, meo iudicio, statuit Moshemius, longe ab Epicuro abfuisse, cuius non potuerit non haec secta odio habere dogmata, quod omnem religionem funditus everterent. Sunt quidem apud Clementem Alexandrinum verba quaedam, unde contrariae sententiae aliquid auctoratis parare possis in Strom. I. I., c. 7. p. 338. φιλοσοφίαν δὲ οὐ τὴν Σιωπὴν λέγω, οὐδὲ τὴν Πλατωνικήν, ἢ τὴν Ἐπικούρειόν τε καὶ Ἀριστοτελικήν, ἀλλ' ὅσα ἔργηται καὶ ἐκάστη τῶν αἰχέσων τούτων καλῶς δικαιοσύνην μετὰ εὐσεβοῦς ἐπισῆμης ἐκδιδάσκοντα, τοῦτο σύμπαν τὸ ἐκλεκτικὸν φιλοσοφίαν φγμι. Sed ibi, si omnino, de quo mox videbimus, recentiorum Platonicorum scholam tangit, Epicureos etiam inter alias sectas ideo tantum enumerare videtur, ut eclectricam philosophiam, non certi

cuiusdam systematis arte circumscriptam, ex unoquoque, quod optimum putaret, religiose selegisse, in genere significet. Cum vero in Epicuri philosophia haud multa sane placita reperiantur, ex quibus δικαιοσύνην discas μετὰ εὐσεβ. οὗτος ἐπισῆμος, ab hoc systemate Alexandrinos Eclecticos quam plurimum abhoruisse, perse ipsum patet. (Cf. Clem. Strom. I. I. init.: πρὸς δὲ καὶ Ἐπικούρῳ, ἀθεότητος κατάρχοντι.) Nec sane unum alterumve recentiorum Platonicorum effatum facile detegas, quod ex Epicuri hortis decerptum esse contendas. Ne Potamonis quidem asseclae Epicurum admodum in deliciis habuisse credendi sunt. Diogenes Laërtius recensitis omnibus philosophorum sectis in fine prooemii addit: ἔτι δὲ πρὸς ὄλιγους καὶ ἐκλεκτική τις αἰχέσων εἰςήχθη ύπὸ Πατάμωνος τοῦ Ἀλεξανδρέως ἐκλεξαμένου τὰ ἀρεστά ἐξ ἐκάστης τῶν αἰχέσων, sed quae ad indolem huius sectae accuratius designandam adiungit, in iis nulla sane Epicureismi vestigia deprehendimus. Cf. Glücknerum de Potamonis Alexandrini philosophia eclecticā recentiorum Platonicorum disciplinae admodum dissimili, qui p. 22. — p. 30. Potamonem in dialectica et physica Stoicos, in ethica Peripateticos potissimum secutum esse ostendit.

Sed exstiterunt primis post Christum natum

seculis alii viri, ad quos Eclecticorum nomen transferre licet. Potamenici quidem et Neoplatonici ex singulis sectis ea, quae probabantur ipsis, seligentes, novam atque concinnam ex veterum placitis telam contexuerunt. De illis sane Petr. Dan. Huetii verba (Traité philos. de la foibl. de l'esprit hum. l. III, ch. X. p. 222. edit. Amstel.) adhibere licet: „On s'abuseroit bien, si l'on croyoit, que Potamon et les Eclectiques, dont il a été le prince, ont été si inconsidérés, que d'embrasser des opinions repugnantes et contradictoires. Il avoit formé un certain système, dont il avoit renfermé les élemens dans un petit livre. Peut-on douter, qu'il n'eût trouvé quelque rapport et quelque convenance entre les parties de ce système?“ Itaque licet *Alexandri Eclectici Epicurum respuerent*, alii, fluctuans magis et inconstans doctrinae genus sectantes, maioremque sibi philosophandi licentiam arrogantes, lectitatis veterum sapientium scriptis, omnes fere admirati, nulli prorsus adversati sunt. Bene de iis disputavit Fengerus p. 57. sqq. Quanta omnino fuerit illis temporibus omnium philosophiarum quasi coacervatio et mixtura, optime perspicitur ex Luciani Demonact. c. 14., ubi Sidonius quidam haec pronuntiat: εὰν Ἀριστοτέλης με καλῇ ἐπὶ τὸ Λύκειον,

ἔφοιμαι · ἀνὶ Πλάτων ἐπὶ τὴν Ἀκαδημίαν, ἀφίξομαι · ἀνὶ Ζήνων ἐπὶ τῇ Ποικίλῃ, διατρίψω · ἀνὶ Ηὐθαγόρας καλῇ, σιωπήσομαι. Tales quidem homines Epicurum minime fugisse, iam Diogenis Laërtii exemplo probabimus. Primum enim ipsum eius institutum, quod librum componere, quo omnium omnino philosophorum scita colligeret, in animum induxit, ut philosophiae studium, ita ingenium, certi cuiusdam systematis amore minime captum, declarat. Iam vero φιλόσοφον suam ἵσοριαν περὶ βίου, δογμάτων καὶ ἀποφθεγμάτων τῶν ἐν φιλοσοφίᾳ εὐδοκιμησάντων feminae eidam φιλοκλάτων dedicaverat. Cf. l. III, p. 80.: φιλοκλάτων δέ σοι δικαίως ὑπακούσῃ, καὶ παρ' ὄντινοῦν τὰ τοῦ φιλοσόφου δόγματα φιλοτίμως ζητούσῃ, ἀναγκαῖον ἡγησάμενη υποχρεάψαι καὶ τὴν φύσιν τῶν λόγων et q. sqq. Diogenem ipsum insigni erga Platonem voluntate fuisse, patet ex Epigrammate eius in philosophi laudes composito, quod ex Παμμέτρῳ, libro suo deperdito, haud dubie de promtum ipse citat l. III, p. 80. his verbis: Ἐσι καὶ ἡμέτερον (sc. ἐπίγραμμα) οὐτις ἔχον,

Καὶ πῶς, εἰ μὴ Φοῖβος ἀνὲ Ἑλλάδα φῦσε Πλάτωνα,
Ψυχᾶς ἀνδρῶν γράμμασιν ἤκεστο;
Καὶ γάρ δὲ τοῦδε μεγάς Ἀσκληπιός ἐστιν ἡτῆς
Σώματος, ὃς ψυχῆς ἀθανάτου Πλάτων.

Hunc vero Platonis laudatorem videmus sum-

mam reverentiam tulisse Epicuro, quem apud mulierem illam Platonis amicam calumniis, quibus vulgo oppressus erat, purgare studet. Commendat Epicurum I. X. his verbis: Θήσομαι δὲ καὶ τὰς κυρίας αὐτοῦ δόξας καὶ εἴτε ἔδοξεν ἐκλογῆς ἀξιοφέγγησθαι, ὡς τε σε πανταχόθεν καταπαθεῖν τὸν ἄνδρα. Eodem libro Epicuri laudat ἀνυπερβλήτους χρηστότητας (sc. philosophiae), praeterea τὴν τε πρὸς τοὺς γονέας εὐχαριστίαν καὶ τὴν πρὸς τοὺς ἀδελφοὺς εἰκοῖαν, πρὸς τε τοὺς οἰκέτας ἡμερόπτα, καθόλου δὲ τὴν πρὸς πάντας αὐτοῦ φιλανθρωπίαν. De pietate eius adeo hacc pronuntiat: τῆς μὲν γὰρ πρὸς θεοὺς δοσιότητος καὶ πρὸς πατέρας φιλίας ἀλεκτος ἡ διάθεσις. Et infra: καὶ αὐτὸς τέ φρσιν ἐν ταῖς ἐπιτολαῖς, ὑδατι μόνον ἀρχεῖσθαι καὶ ἀρτῷ λιτῶ. Καὶ πέμψον μοι τυροῦ (φησί) καθιδύσον, ἵν, δταν βούλωμαι πολυτελέσασθαι, δύνωμαι. Quibus quasi glorians de dilecto suo Epicuro addit Diogenes: τοιοῦτος ἦν δ τὴν ἥδοιτὴν εἶναι τέλος δογματικῶν. — Eiusmodi Eclecticos etiam Clementis locus, quem modo citavimus, describere videtur, cum Neoplatonici, quantum scimus, ipsi se Eclecticorum nomine non insigniverint.

Caeterum quamvis de Diogenis Laërtii aetate difficultis quaestio sit, tamen eum fuisse Celsi sere

aequalem, aut certe non longo temporis spatio ab eo remotum, ex virorum doctorum disceptationibus verisimillimum fit. Nam Ionsius quidem (de scriptor. hist. phil. l. III, c. XII, p. 69. sqq. edit. Dornii), eum nec ante Sept. Severum, qui seculo II. vergente Romanis imperare coepit, nec post Constantiū M. vixisse demonstravit. Diogenem regnante Sept. Severo et postea floruisse ipsius Ionsii sententia est, neque in partes admodum diversas Menagius transgreditur, qui (in editione sua) Laërtium Marci et Severi temporibus vitam egisse, satis probabilibus rationibus evincit.

Itaque iam eo perventum est disputationis, ut certo constare videatur, Celsum, si fuerit *Neoplatonicorum* modo Eclecticus, ab Epicuri philosophia prorsus fuisse alienum: severam vero et gravem Platonicorum disciplinam cum levi eius et petulanti animi indole haud bene congruere; sin ex eo fuerit Eclecticorum genere, qui liberum plane nullisque finibus circumseptum, in quo excurrent, philosophandi campum sibi reservarent, per se ipsum fieri potuisse, et Diogenis exemplo ipsiusque adeo Celsi moribus verisimillimum fuisse, ut Epicurum quoque in amplum suum et uberem philosophorum catalogum receperit. Huius autem Epicureismi num re

vera quaedam in Celsi libro deprehendantur vestigia, iam nostrum est, accuratius inquirere. Primum igitur apertissimum eius rei vestigium eo disputacionis loco reperisse nobis videmur, quo de magia Celsus exponit; qua de re nunc maxime disserendum nobis est. Ambigue hoc loco, ut vidimus, loquitur Fengerus, sed certius affirmandum est; Celsus enim magiae tanquam artis, sive divinae sive demoniacae, efficaciam minime agnovit; immo meram hominum sceleratorum fraudem magicis praestigiis ignaros deludere pronuntiat. Colligamus igitur locos, qui huc faciunt:

L. I. c. 28. Iesum dicit propter paupertatem in Aegypto mercede operam suam locantem, ibi arcana quasdam artes, quas Aegyptii magni aestiment, didicisse; et postea in patriam reversum tantum se propter illas artes extulisse, ut etiam se Deum appellaret. (Cf. c. 38.)

C. 68. Celsus impie Iesu miracula confert cum circulatorum praestigiis. Age, inquit, demus haec a te gesta. Sed confestim eodem illa numero habenda esse ait, atque ea, quae praestigiares faciunt, maiora semper ac maiora pollicentes: et quae faciunt, qui sunt Aegyptiacis artibus eruditii, qui me-

dio in foro, paucis obolis venerandas suas artes venditant, daemonia ex hominibus profligant, exsufflant morbos, heroum animas evocant, opipara convivia, mensas, bellaria, opsonia, quae nunquam fuerunt, exhibent, agitant animalia, quae vere nulla sunt, sed vanae dumtaxat animantium imagines. Mox ait: An quia haec illi faciunt, idcirco credendum nobis erit, illos esse Dei filios? An potius dicendum, improborum et nebulonum esse huiusmodi artes? (Cf. c. 71., ubi Celsus ait Iesu opera omnia esse praestigioris Deo invisi et scelerati.)

II. 49.: O lucem et veritatem, suis verbis suaque voce profitetur (sc. Dominus noster), quemadmodum vestrae scripturae testantur, adventuros ad vos alios quoque cum similibus praestigiis homines maleficos et praestigiares, et Satanam vocat quendam, qui harum autor sit artium: atque ita ne ipse quidem inficiatur, ista nihil divinitatis habere, sed esse maleficorum opera et, veritate cogente, suas simul et aliorum artes detexit. Annon igitur miserabile est et indignum, ex iisdem operibus hunc quidem Deum, alios vero praestigiares existimari? Cur enim ex huiusmodi artibus coniecturas sumentes alios potius malos credamus, quam hunc, vel

ipsius testimonio? Certe ipse fassus est, haec non tam divinae naturae, quam impostorum et sceleratorum hominum esse indicia.

II, 55. Celsi Iudeus eos e popularibus suis, qui Iesu adhaeserunt, sic alloquitur: Age, demus haec fuisse praedicta. At quam multi alii, ut stupidos demuleerent auditores et quaestum errore facerent, talibus prodigiis abusi sunt? Ita Zamolxis, Pythagorae servus, apud Scythas, et Pythagoras ipse in Italia; ita Rhampsinitus in Aegypto, quem ferunt in inferis tuisse tesseris cum Cerere, indeque mantile aureum ab illa acceptum reportasse; ita Orpheus apud Odrysas, Protesilaus in Thessalia, Hercules in Taenaro, Theseus. (Cf. Lucian de Luctu c. 5., ubi similiter Alcestis atque Protesilaus, Theseus et Ulysses ab inferis reversi ridentur.) Sed illud considerandum, an quis, vere mortuus, aliquando ipso corpore resurrexerit. An cum hacte de aliis auditis, fabulas et esse et videri pronuntiatis, vestrae vero fabulae exitum bellum et credibilem inventisse vobis videmini, cum nobis emissam e cruce in extremo spiritu vocem, terrae motum, ortasque tenebras obruditis; cum additis eum, qui sibi, dum viveret, auxilio esse non potuit, mortuum resurrexisse, in corpore supplicii notas, in manibus mon-

strasse clavorum vestigia? Et quis haec vidit? Mulier, ut ipsi dicitis, fanatica, et si quis alias iisdem magicis artibus addictus, qui vel haec, prout affectus erat, sonniaverit, vel inani opione delusus sibi animo fixerit, quae desideraret: id quod saeppe innumeris accidit; vel, quod magis crediderim, hoc prodigio reliquis hominibus admirationem incutere voluerit, et hoc mendacio praebere aliis eiusdem fallacie opportunitatem.

V, 6.: Quasi vero fas esset, summo honore prosequi eos, qui in tenebris alicubi vi improbae artis magicae occaecatis, aut per obscura spectra somniantibus apparere dicuntur.

VI, 40. Resert Celsus, vidisse se apud quosdam religionis nostrae presbyteros libros barbaros, in quibus daemonum nomina et praestigia videbantur. Quibus subdit: illos nostri cultus presbyteros nihil boni, nihil nisi in hominum perniciem polliceri.

VII, 36. Christianos vocat impostores et praestigiatores.

Omnibus his locis Celsum sane non aliter, ac Lucianum quandam, audimus loquentem. Mirum est ex l.I, c. 68., quem locum modo citavimus, Originem derivare, Celsum magiae quandam efficaciam agnovisse, cum ex dictis eius contraria omnia co-

gantur. Nam ut Iesu oracula citra dubium imposturas credidit, eodem modo de omnibus magorum operibus iudicavit Magiam neque bonorum neque malorum daemonum appulsa aliquid posse, (malos daemones ne agnoscit quidem Celsus, teste Origine l. VIII, c. 39.: *κατὰ δὲ Κέλσον, μηδὲν ἐμφίναται περὶ φαύλων δαιμονῶν, οὐκ οὖδ' ὅπως ἐπιλαθόμενον ξαποῦ, δαιμών ὁ Ἰησοῦς εἴρηται,*) in quam sententiam de vera artis huius sive divina sive diabolica efficacia contra Celsi opinionem Neoplatonici discesserunt (cf. Plot. Ennead. IV, l. IV, c. 40. Porphyr. sentent. ad intellig. ducentes P. II, p. 235. ed. Holstenii, de abstin. l. II, §. 38, p. 174. sqq. ad Marcellam §. 16, p. 31. Iamblich. de mysteriis Aegypt. Sect. IV, c. 1 — 2. Sect. VI, c. 5. 7.), sed meram esse sceleratorum hominum fraudem, Celsus locis allatis aperte prodit. L. IV, c. 86. adeo declarat, se magiam ex notitia et usu naturallum quarundam occultarum virium derivare, qua etiam animalia ratione privata gaudent: „Quod si de magiae arcanis sibi plaudant homines, hac resapientiores illis sunt serpentes et aquilae. Norunt enim multa contra venena et morbos remedia, quo rumdam etiam lapidum virtutes, quas curandis pullis adhibent. In quos lapides si quando homines

inciderint, magnum quid adeptos esse se iudicant.“ Ipse quoque Origenes suspicatur, Celsum his verbis, tanquam Epicureum, arcana magica clanculum traduxisse: *εἰ μὴ ἄρα λεληθότας διαβάλλειν βούλεται, ἡς Ἐπικούρεος, πᾶσαν τὴν τῶν τοιούτων χρῆσιν, ἡς ἐπαγγελίᾳ γοπτῶν κειμένην.* (Cf. l. VI, c. 39.)

Primo adspectu l. VI, c. 41. contradicere videtur: „Audivi ex Dionysio quadam, musico Aegyptio, mecum versante, magicam artem aliquid posse in ignaros et corruptis moribus homines, in philosophos autem, qui salubri victus ratione utuntur, nihil habere virium.“ (Cf. Iambl. de myster. Sect. III, c. 31. p. 103.)

Sed, meo iudicio, Celsus ne his quidem verbis magiam magni se facere significat; nam hoc tantum dicit, cam in ignaros corruptisque moribus homines, quippe qui facile se decipi paterentur et quorum corruptis desideriis magi obsequerentur, aliquid habere virium. Similem habes locum l. I, c. 9., ubi Celsus hortatur, ut in admittendis dogmatis rationem et rationabilem sequamur ducem: hanc sine cautione quibusdam assentientes errorem nos omnino non posse fugere: qui imprudenter et inconsidere credant, similes illis esse, qui Metragyrtis, Divinis, Mithris, Sabbadiis, Hecatae aliisque dae-

monis aut daemonum spectris credulos se praebant: sicut enim illorum inscitiae verba dent improbi homines eosque pertrahant, quo lubeat; idem Christianis accidere solere. Cf. Luciani Pseudomant. c. 6.: περιγέσταν γοπεύοντες καὶ τοὺς παχεῖς τῶν ἀνδρώπων (οὗτα γὰρ αὐτοὶ τῇ πατρίᾳ τῶν μάγων φωνῇ τοὺς πολλοὺς ὀνομάζουσιν) ἀποκείσοντες. c. 9.: δὲ Ἀλεξανδρος τὰ οἴκοι προσύχεινε, λέγων, οἵτε ἀληθὲς ἦν, πρὸς τὴν τῶν τοιούτων ἀρχὴν καὶ ἐπιχειρησιν ἀνδρώπων δεῖν παχέων καὶ ηλιδίων τῶν ὑποδεξόμενων, οἷον τοὺς Παφλαγούς εἶναι ἔφασκεν δεισιδαίμονας τοὺς πολλοὺς καὶ ηλιδίους. c. 17.: παχεῖς καὶ ἀπαιδεύτους ἀνδρώπους vocat **Paphlagonas**. Non modo stultos sed etiam corruptis moribus homines magis se adiunxisse patet ex c. 32.: Ἀλλὰ καὶ μηχανᾶται τι ο τειχαπάραπος, οὐκ ἀσφοροί, οὐδὲ τοῦ προστυχόντος ληπτοῦ ἀξιον· λύνων γὰρ τὰ περιπόμενα βιβλία καὶ ἀναγινώσκων, εἰ τι εὑροι ἐπισφαλὲς καὶ παρακενιδυνευμένον ἐν ταῖς ἔρωτήσεσι, κατεῖχεν αὐτὸς καὶ οὐκ ἀνέτεμκεν, ὡς ἐπιχειρίους καὶ μονονούχη δούλους διὰ τὸ δέος ἔχοι τοὺς πεμψότας, μεμνημένους, οἷα ἦν, ἢ θεοντο· συνήπης δὲ οἵας εἰκὼς τοὺς πλουσίους καὶ μέγα δυναμένους τὰς πύξεις κυνδύνεσθαι· ἐλάμβανεν οὖν πολλὰ παρ' ἐκείνων, εἰδότων δι τι αὐτοὺς ἐπὶ τοῖς ἔχοι τῶν ἀρχέων. Cf. im-

primis Joseph. Antiquit. l. XVIII, c. 3. p. 875 — 79.
ed. Oberth. Luciani Pseudom. c. 39. Incredul. c. 14.

Videtur ille Dionysius, musicus Aegyptius, ipse fuisse magus Aegyptiacis artibus initiatuſ, qui Celſo negotiū ſui infirmitatem familiariter aperiret. Cf. quae Celsus l. VII, c. 11. falsos prophetas de arte ſua ſibi communicasse narrat. Ibi enim pronuntiat, prophetas illos, quos ipſe audiverit, cum ab ipſo urgerentur, confessos fuisse, quid ipſis diceret; et, quae ambigua eloquerentur, ſigmenta eſſe omnia.

Iniuria etiam Fengerus p. 103. putat, ex Orig. l. VI, c. 80. patere, Celſum aliquid magiae tribuisse. Ibi enim Celsus Χαλδαίους ἐνδεωτα dicit ἐδνη, et Μάγους τοῖς ἐνδεωτάτοις κατατάττει ἐδνεσι, et τὸ Αἰγυπτίων ἐδνος ἐνδεωταν vocat, etiam Ηέρσαι ἐνδεον ἐδνος Celſo videntur, nec non Ἰνδοι. Qui enim hie nominantur Magi, veteres illi sapientes Persarum (cf. Cicero. de Divin. l. I, c. 23 et 41.), prorsus diversi erant a circulatoriis illius temporis praestigiatoribus, quos Celſus ſaepe ſalibus defricat. Illos veteres sapientes etiam Lucianus, alias ſane magorum minime amicus, ſinceris laudibus extulit in Fugitivis c. 6. sqq. Ibi enim ipsa Philosophia et Brachmanes et Aethiopes et Aegyptios et Chal-

daeos et Magos et Scytha inter gentes, quae philosophiae operam dederint, enumerat.

Plane igitur Epicurea est Celsi de magia sententia. Ita enim illo tempore Epicureos tantum de hac arte statuisse, disertissimis verbis Lucianus indicat in Pseudom. c. 25.: τίνι γὰρ ἄλλῳ δικαιοτέρον προεπολέμει γόης ἀνθρωπος καὶ τεφατεύφ φίλος, ἀληθείᾳ δὲ ἔχθιστος, ἢ Ἐπικούρω, ἀνδρὶ τὴν φύσιν τῶν θραγυμάτων καθεωρακότι καὶ μόνῳ τὴν ἐν αὐτοῖς ἀληθειαν εἰδότι; οἱ μὲν γὰρ ἀμφὶ τὸν Πλάτωνα καὶ Χρυσιππὸν καὶ Ηὔδαγοραν φίλοι, καὶ εἰρήνη βαθεῖα πρὸς ἐκείνους ἦν· δὲ ἀτεγκτος Ἐπίκουρος (οὗτος γὰρ αὐτὸν ὡιόμελεν) ἔχθιστος, δικαιώς πάντα ταῦτα ἐν γέλωτι καὶ παιδικῇ πιθείμενος. c. 43.: Ήλύτην γὰρ ἐδεδίει τὸν Ἐπίκουρον, ὃς προεπίκον, ὃς τινα ἀντίτεχνον καὶ ἀντισοριστὴν τῆς μαγγανείας αὐτοῦ.

Quare cum Celsus in suo de magia iudicio Epicureum se nobis praestiterit, nihil obstat, quominus libros contra magos, quorum Lucianus in Pseudomanti c. 21. mentionem facit, nostrum composuisse sumamus. — Iam vero si hanc admittimus sententiam, in definienda Celsi nostri philosophia ulterius nos progredi oportet. Tum enim fieri non potest, ut Epicurum pari tantum atque alios philosophos honore dignatus fuerit; sed eum prae ceteris philo-

sophum hunc in deliciis habuisse, perspicuum est. Nam illud ex locis appetat quos supra ex cap. 21, 23, 43, 47 et 61. Lucianei Alexandri citavimus. Quibus adde c. 17.: ὥστε πάντα τὸ μηχανημα ἐδεῖτο Δημοκρίτου τινός, ἢ καὶ αὐτοῦ Ἐπικούρου, ἢ Μητροδόρου, ἢ τινος ἄλλου, ἀδαμαντίνην πρὸς ταῦτα καὶ τὰ τοιαῦτα τὴν γιγάντην ἔχοντος, οἷς ἀκινητοῖς καὶ ὅπερ ἦν εἰκάσαι, καὶ εἰ μὴ εὑρεῖν τὸν τρόπον ἐδύνατο, ἐκεῖνο γοῦν προπεκειμένου, ὅτι λέληθεν αὐτὸν ὁ τρόπος τῆς μαγγανείας, τὸ δ' οὖν πᾶν φεῦδός ἐστι, καὶ γενεσθαι ἀδύνατον. c. 47.: οὐχ εἰδὼς ὁ κατάρατος, ὃσων ἀγαθῶν τὸ βιβλίον ἐκεῖνο (sc. αἱ τοῦ Ἐπικούρου κυρίαι δόξαι) τοῖς ἐντυχοῦσιν αἴτιον γίγνεται, καὶ ὃσην αὐτοῖς εἰρήνην καὶ ἀταραξίαν καὶ ἐλευθερίαν ενεργάζεται, δειπνάτων μὲν καὶ φασιάτων καὶ τεφάτων ἀκαλλάπτον, καὶ ἐλπίδων ματαίων καὶ περιπτῶν ἐπιεύμαων· νότην δὲ καὶ ἀληθειαν ἐντιδὲν καὶ καθαίγον, ὃς ἀληθῶς, τὰς γιγάντias, οὐ δρόι καὶ σκίλλη καὶ ταῖς τοιαύταις φλυαρίαις, ἀλλὰ λόγω ὀφελῷ καὶ ἀληθείᾳ καὶ παρέησίᾳ. — Neque tamen ex Luciani Pseudomanti derivare licet, Celsum nostrum ita in Epicuri philosophia quasi stativa sua collocasse, ut nunquam castra moverit et in aliorum philosophorum fines transgressus fuerit. Eum enim minime purum putum fuisse Epicureum, qui pro insolenti ho-

rum hominum more alios omnes sapientes fastidiret, ipse Lucianus testis est. Is quasi excusans iniustam *Pythagorae* despiciemtiam et se defendens contra amici reprehensionem c. 4.: αὐτὸς γὰρ (Ἀλεξανδρος), dicit, τῷ γαμβρῷ Ἐρυτελλιανῷ ποτε γράφων καὶ τὰ μετριώτατα ὑπὲρ αὐτοῦ λέγων, Ηὐδαγόρας ὅμοιος εἶναι οἷςίου· ἀλλὰ ἔτεις μὲν δὲ Ηὐδαγόρας; εἴη, σοφὸς ἀνὴρ καὶ τὴν γνῶμην θεσπέσιος· εἰ δὲ κατὰ τούτον ἐγεγένητο, παῖς ἄν, εὐ οἶδα, δι τοὺς αὐτὸν εἶναι ἔδοξε· καὶ τέχος Χαρίτων, μή με τοιίσῃς ἐφ' ὕβρεις ταῦτα τοῦ Ηὐδαγόρου λέγειν, η συνάπτειν πειράκενον αὐτοὺς εἰς ὅμοιότητας τῶν πράξεων· ἀλλ' εἴ τις τὰ χίριστα καὶ βλασφημώτατα τῶν ἐπὶ διαβολῆς περὶ τοῦ Ηὐδαγόρου λεγομένων, οἷς ἔγωγε οὐκ ἀν πεισθείην ὡς ἀληθέσιν οὖσιν, διας συναγάγοι εἰς τὸ αὐτό, πολλοῖσὸν ἄν μέρος ἀπατα τὰ εἰκεῖα γένοιτο τῆς Ἀλεξανδρου δεινότητος. Praeterea Lucianus eiusdem dialogi capite secundo se et amicum suum Ariani Stoici exemplo consolatur, qui et ipse Tillibori latronis vitam scribere non deditatus fuerit: Ἀγένιανὸς γὰρ δὲ τοῦ Ἐπικτήτου μαθητής, ἀνὴρ Ἐρυταίων ἐν τοῖς περίτοις καὶ παιδείᾳ παρὰ δύον τὸν βιον συγγενόμενος, ὅμοιόν τι καθάρων, ἀπολογήσατ' ἄν καὶ ὑπὲρ ημῶν. — Et fieri sane potuit, ut Celsus noster tanquam Eclecticus, insigni Epicuri amore captus,

cum omnino, ut in proverbio est, a parte potiori denominatio fieri soleat, perfecti Epicurei nomine differretur. Ita hodieque Ammonii discipulos et Eclecticos et Platonicos nominamus. Fortasse ab ipso illo contra magos libro Celsus hanc infamiam traxit. Nam magi ut aequalium suorum exemplo Christianos ἀδέων, ita omnes, qui philosophicis rationibus vel sana et ieiuna cogitatione ducti, praestigiis suis adversarentur, Epicureismi nota inusserunt; plehemque ea in re eiusdem fuisse opinionis ex Luciani Pseudomanti patet. Cf. eius c. 25., imprimis vero c. 38.: καὶ ἐν μὲν τῇ πρώτῃ (ἡμέρᾳ) πρόσφετος ἦν, πᾶςπερ Ἀδήμησι, τοιαύτη· εἴ τις ἀδεօς, η Χειτιανός, η Ἐπικουρείος ἤκει κατάσκοπος τῶν ὁργίων, φειγέτω· εἰ δὲ πιστύνοιτε τῷ θεῷ, τελείσθωσαν τύχη τῇ ἀγαθῇ· εἰτ' εἰδήντες ἐν ἀρχῇ ἐξέλασις ἐγίγνετο· καὶ δὲ μὲν ἡμεῖτο, λέγων, ἔξω Χειτιανούς, τὸ δὲ πλῆρος ἐπερθέγγετο, ἔξω Ἐπικουρείους.

Vidimus igitur viros doctos, quicunque de quaestione nostra commentati sunt, in eo errasse fere omnes, quod cuinam sectae philosophicae Celsus addictus fuerit, nimis anxie et accurate definire in animum inducerent. Nos quasi medium inter Scyllam et Charybdis viam tenentes, eum neque recentiorum Platonicorum neque Epicureorum scho-

lae assignabimus. Omnino qui philosophatur, non statim philosophus est. Fuit Celsus homo literatus, qui multa philosophorum imprimis scripta lectitaverat, et sive affectaret philosophiae amorem, sive vera haberet, nullius certe iurare in verba magistri addictus erat. Bene sapientiae eius genus ab Origene multis locis describitur. Cf. I. II, c 12.: ἐπεὶ δὲ φιλοσοφίαν προβάλλεται ὁ Κέλσος. c. 76.: τὸν Κέλσον ἀκαγγελόμενον φιλοσοφεῖν. I. III, c. 21.: τοῦ Κέλσου ἀφιλόσοφον χλεύην perstringit. I. IV, c. 11.: ὁ πολλὰ ἀναγνοὺς καὶ ἴσοριας πολλὰς ἐπιδειξάμενος ἀνεγνωκέναι. c. 36.: ὁ πολυτέλεως καὶ πολυμαθῆς. c. 83.: ἐχρῆν δ' αὐτὸν, εἰκεὶ ἦν καὶ φιλόσοφος. I. VI, c. 22.: ἔξης δὲ τούτοις βουλόμενος ὁ Κέλσος πολυμάθειαν ἐπιδείξασθαι. — Omnes fere veteres philosophos admiratus est, quos cum in gravissimis rebus discordare intelligeret, fieri non potuit, quin in varias multifariasque cogitandi vias abiret. — Modo enim celeberrimorum virorum de summis rebus discrepantia omnem cognitionis humanae certitudinem ipsi dubiam et infirmam reddit, modo diversa placita coniungens eo adactus est, ut aliquam partem veritatis unumquemque vidisse existimaret. Quare, si systematis nomine ut licet, fuit et Scepticus et Eclecticus, nam et hic, ut

aiunt, extrema concurrunt. Cum vero ea animi humani natura sit, ut licet hoc illuc fluctuans, semper tamen in unam maxime partem inclinet, Celsum nostrum pro ingenita mentis indole proximam Epicureismo affinitatem habuisse, negari sane non potest. Ἀσύστατον tale philosophandi genus optime depingit Lactantius (Divin. Instit. I. III, c. 3, 10.): „Sed cum haec dixerimus, alius contraria disputabit; et cum hic quoque peroraverit, surget tertius et alii deinceps; et opinabuntur multo disparia, quam nos sumus opinati. Quid ergo erit ex omnibus verius? fortasse nihil. At omnia sunt dicta, quae in naturam rerum cadunt; ut necesse sit, aliquid eorum esse verum. At nescietur, quis verum dixerit. Potest fieri, ut omnes ex parte aliqua erraverint, ex parte attigerint veritatem.“ Apud tales tam lubricae philosophiae homines fieri sane potest, ut eandem rem hodie credant, cras dubitent, per rendie rideant. Videtur Celsus cum singula temporis sui, in diversissimas cogitationes scissi atque lacerati, lineamenta in se collegisset, ipse nobis illius aevi quasi imaginem quandam repraesentare. Ac si quis eum interrogasset, cuinam philosophorum principatum deferret, simile fortasse, ac Demonax ille Lucianus, responsum edidisset. Cf. huius dial.

c. 62.: Ἐφωτηθεὶς δέ ποτε, τίς αὐτῷ ὀρέσκοι τῶν φιλοσόφων, ἔφη, πάντες μὲν θαυμασοί· ἐγὼ δὲ Σωκράτη μὲν σέβω, θαυμάζω δὲ Διογένην, καὶ φιλῶ Ἀριστερού, nisi quod Celsus noster in Diogenis locum Platonem, pro Aristippo Epicurum substituisset.

Verum itaque rei statum senserunt Tzschirnerus (*Fall des Heidenthums* p. 327.), cui Celsus audit: Dieser platonifrende Epikureer oder epikureisch gesinnte Platoniker, et Guerike (*Handbuch der allgemeinen Kirchengeschichte* Th. I. p. 73.), qui ita de eo disserit: Celsus, ein philosophischer Eclectiker und inconsequenter Platoniker, vielleicht mit Celsus, dem gleichzeitigen Epikureer-Freunde, der gegen die Magie geschrieben, identisch. Ceterum ab omni parte quadrat in Celsum, quod Wilandius de Luciano pronuntiat (Th. I. S. XII.): Seine Schriften waren so beschaffen, daß ihn weder die Rhetoren, noch die Philosophen für zünftig gelten lassen wollten.

Non dissimile fuisse Lucianum philosophandi genus ei, quam Colsum secutum esse vidimus, rationi, facile est cognoscere. Nam si omnino eum philosophi nomine dignaris, fuit et Scepticus et Eclecticus et Epicureus. Scepticismum eius docet imprimis dialogus, qui inscribitur Hermotimus. Locos, qui hoc pertinent, vide apud Fengerum p. 52

et 53. Cum Lycini incredulitate, qui in Hermotimo Luciani personam sustinet, consentit etiam Icaromenippus. Cf. dialogum, qui hoc titulo inscribitur, c. 5.: οἱ δὲ (sc. philosophi) τοσοῦτον ἄρα ἐδέσθαν με τῆς παλαιᾶς ἐκείνης ἀγορίας ἀπαλλάξαι, ὥστε καὶ εἰς μείζους ἀπορίας φέροντες ἐνέβαλον, ἀρχάς τιας καὶ τέλη καὶ ἀτόμους καὶ κερὰ καὶ ὑλας καὶ ἴδεας καὶ τὰ τοιαῦτα δσημέραι μον καταχέοιτες· δέ εἰ πάντων ἔμενοι οὐν ἐδόκει χαλεπώτατοι, ὅτι μηδὲν ἀπερος θατέρω λέγοντες ἀκόλουθοι, ἀνὰ μαχούμενα πάντα καὶ υπεραντία, διὰς πιθεσθαι τέ με ἡξίουν, καὶ πρὸς τὸν αὐτοῦ λόγον ἐκαστος ὑπάγειν ἐπειρῶντο. Cf. imprimis c. 9., ubi multis verbis exponit Icaromenippus, quam lubrica et incerta philosophorum de Diis et providentia opinio sit, unde c. 10. ita concludit: ὥστε δὴ τὸ Ὁμηρικὸν ἐκεῖνο ἀπεχθῶς ἐπασχον· πολλάκις μὲν γὰρ ἀνώργυησα πιεσθεῖν τινὶ αὐτῶι, ἐτέρως δὲ με δυνιός ἐρυκεν. Quare cum in terra se, quid verum esset, auditurum desperaret, dubitationis liberationem quaerens, volucris factus in coelum ascendere constituit. Et in Parasito c. 27.: Ὁμοίως δὲ καὶ τὴν φιλοσοφίαν κατὰ τὰ αὐτὰ καὶ ὠσαύτως ἐχουσσαν, (sc. non idem putamus omnes.) ἐτέρως μὲν γὰρ Ἐπικονίῳ δοκεῖ τὰ πράγματα ἔχειν, ἐτέρως δὲ τοῖς ἀπὸ τῆς Στοᾶς, ἐτέρως δὲ τοῖς ἀπὸ τῆς

Ακαδημίας, ἐτέρως δὲ τοῖς ἀπὸ τοῦ Περικάτου, καὶ ἄκηντος ἄλλοις ἄλλην ἀξιοῦ τὴν φιλοσοφίαν εἶναι· καὶ μέχρι γε νῦν, οὕτε οἱ αὐτοὶ γνώμης κρατοῦσιν, οὕτε αὐτῶν ἡ τέχνη μία φαίνεται· ἐξ ὧν δηλονότι τεκμαί-
γεσθαι καταλείπεται· ἀρχὴν γάρ φημι μήπε εἶναι τε-
χνην, ἵνα οὐκ ἔστιν ὑπόστασις· ἐπεὶ τί δὴ ποτε ἀριθ-
μητικὴ μὲν μία ἔστι καὶ ἡ αὐτή, καὶ δις δύο παρά γε
ἡμῖν καὶ παρὰ Ηέφσαις τέσσαρα ἔστι, καὶ συμφωνεῖ
ταῦτα καὶ παρὰ Ἐλληνσι καὶ Βαρβάροις; φιλοσοφίας
δὲ πολλὰς καὶ διαφόρους ὅρων εἰναι, καὶ οὕτε τὰς ἀρχὰς
οὕτε τὰ τέλη σύμφωνα πασῶν, et c. 28.: μία μὲν
οὐκ ἔστι φιλοσοφία, ἐπειδὴ ὅρῳ καὶ ἀπειρονὶ οὐδεν·
πολλὰ δὲ οὐ δύνανται εἶναι· ἐπειδήπερ ἡ φιλοσοφία μία
(sc. siquidem est); unde necessario concluditur: Ergo
nulla est. — At quamvis, omnem intelligentiam hu-
manam incertam esse, statueret Lucianus, tamen
magna illa vetustatis nomina Socratem, Platonem,
Pythagoram, alios, bene discernere studuit a fictis et
simulatis sui temporis philosophis, qui externam modo
sapientiae speciem captantes et Curios loquentes Bac-
chanalia vivebant. (Cf. Tim. c. 54. de Paras c. 52 et
53. Conv. c. 34.) Amor eius in veros philosophos
patet ex dialogo, qui inscribitur Piscator. (Cf. Fen-
gerum p. 56.) Non minus in Fugitivis c. 6. sqq.
ipsa Philosophia sinceris nec fucatis laudibus cu-

mulat Eumolpum, Septem Sapientes, Pythagoram,
Heraclitum et Democritum, Socratem eiusque soda-
les, Anthisthenem, Diogenem, Cratem et Menip-
pum, Platonem adeo c. 18. τὸν ἕρετον ἔχεινον νο-
cat, acerrime contra increpat Sophistas. Et quam-
vis nonnunquam, ut erat promitus ad iocandum,
etiam cana illa Graeciae capita (Aristotelem in dial.
Mort. 13. Pythagoram 20., alios in Parasito c. 43.)
Iudibrio habere, haud vereretur, tamen aliis locis
eum praeclara illa Graeciae sapientiae decora et co-
lumna serio extollere laudibus, dubitare minime li-
cket. Ita inter sui quoque temporis philosophos sub
Cynici, Nigrini Platonici, Demonactis Eclectici per-
sona verum philosophiae exemplar ad imitandum
proponit. Ipse in Demonacte, intimo amico, Ecle-
cticismi partes tuetur. Probat c. 5. eius philoso-
phandi rationem his verbis: φιλοσοφίας δὲ εἴδος
οὐχ ἐν ἀποτελέμενος, ἀλλὰ πολλὰ ἐς ταῦτα κατα-
μέξας, οὐ πάντα ἔξεφαντε, τίνι αὐτῶν ἔχαιρεν. Atta-
men cavillatorem Samosatensem Epicuro prae ce-
teris palmarum dedisse, praeter Iovem eius tragoeidum,
dialogos Deorum, aliaque scripta, loci quos supra
ex Alexandro sive Pseudomanti attulimus aperte
et evidenter produnt. — In eo modo Lucianus a
Celso diversus fuisse videtur, quod hic theoreticam

philosophiam aliquo numero et honore dignatus est (cf. praeter loc. supra l. Origen. contr. Cels. l. VI, c. 6 — 9. c. 15 — 19. l. VII, c. 42.), quam Lucianus ubique fere despexit atque elevavit, cum in practicam potius philosophiam omnibus viribus incombendum esse doceret. Locos ex Hermotimo iam Fengerus concessit. Cf. præterea Conviv. c. 34.: οὐδὲν ὅφελος ἄρα ἔτις ασθεῖ τὰ μαθημάτα εἰ μή τις καὶ τὸν βίον ἀνδριζει πρὸς τὸ βέλτιον. Neque tamen tam exigua discrepantia artissimum, quo par illud nobile fratrum propter innatam ingenii cognationem coniunctum erat, amicitiae vinculum disrumpere vel laxare potuit. Ubi enim idem *sentiendo* modus, ibi firmissimum familiaritatis fundamentum.

— Placet, neque a proposito nostro alienum est, pauca hie de Luciani moribus inscrere. Constat, quantopere omnibus fere saeculis diversa fuerint ea de re virorum doctorum, theologorum imprimis et philologorum, iudicia. Honorificam, cuiusmodi iam alii professi sunt, sententiam nuper denuo de scriptore nostro tulit Iacobus (Charakteristik Lucians von Samosata), qui tamen mihi quidem omnium maxime a vero aberrasse videtur, quamvis habeat subscriptorem Baurum (Apollonius von Thana und Christus. p. 140.). Cum recens a Luciani lectione

venirem, obstupui sane ob deformatam eius in Iacobi libro imaginem. Sufficit verba, quibus descriptio nem suam concludit, hic exscribere: Fassen wir nun die Gesamtheit unserer Erörterungen über Lucian zusammen, so ergibt sich folgende Schlussbemerkung. Lucian war ein Mann von großem Verstande und vieler Gelehrsamkeit (?) mit einem lebhaften Gefühle für alles Wahre und Gute und mit einer eben so herzlichen Abneigung gegen alle Falschheit und Heuchelei. Er war nicht so eingebildet, der Zeit eine ganz neue Gestalt geben zu wollen, aber da ihn der damalige Zustand im römischen Reiche tief bekümmerte (sic!), so strebte er danach, zu helfen, zu raten, zu nützen. Dazu schlug er den Weg der Satire ein. — — — — Statt, daß er aber, wie andere Satiriker, bloß tadelte und nur Unwillen und Zorn blicken ließ, gab er auch die Mittel zum Besserwerden an (?), damit durch harmonische Ausbildung des Geistes und Körpers, durch griechischen Geist und römische Thätigkeit ein besseres Geschlecht von Staatsbürgern derselbst im römischen Reiche entstehen könnte. (?) — Credo non multos philologos, ne alienissimos quidem a theologorum stomacho, hic suffragatuos esse. Non omnes quidem, quae vulgo dicuntur, virtutes Luciano abiudicamus. Ipse, quid doctrinae

studiis appetierit, declarat in Somnio suo c. 10., ubi Eruditio, cui deinde se tradidit, ita eum alloquitur: καὶ τὴν ψυχὴν ὅπερ σοι κατεύθατόν εῖται, κατακοσμήσω πολλοῖς καὶ ἀγαθοῖς κοσμήμασι, σωφροσύνῃ; δικαιοσύνῃ, εὐσεβίᾳ, πρεσβύτη, ἐπιεικείᾳ, συνέσει, καρετείᾳ, τῷ τῶν αἰλῶν ἔφατι, τῇ πρὸς τὰ σεμιότατα ὁρμῇ· ταῦτα γάρ εἶται δὲ τῆς ψυχῆς ἀκήρατος ὡς ἀληθῶς κόσμος. Scimus praeterea quantam obsecrocius sermones et putidae spurcitiae — quorum tamem meminisse adeo taedet — ex communi veterum consuetudine excusationem habeant; quamvis nimis sane libenter et licenter turpi huic consuetudini indulserit, nimisque manifesta voluptate et delectatione immundis picturis immoretur. Ne convicia quidem, quae in benedicti nostri Servatoris personam et doctrinam contulit, nobis ipsis divinum iudicium arrogantes, inexpiabili criminis vertere, animus est. Οὐ γὰρ οἴδε τι ἐποίησεν. At si verum homini pretium ex eo, quem habet, religionis sensu et desiderio statuitur, et omnis Christianus ita statuere debet, non possumus quin vili pendamus levem *omnium* cultuum irrisorem. Etiam Patres ecclesiastici insanas ethnicarum fabularum ineptias acerbissime traducunt. At illi pro veritate, non contra mendacium tantum certaverunt. Nil nisi negare,

diaboli est. Lucianus cum superstitione religionem sustulit. Etiam alii multi homines, vere nobiles, illorum temporum errores atque vitia bene perspexerunt, at lugentes non scurriliter ridentes perspexerunt. O pusillum hominem, qui summam sapientiam ita describit (cf. Lucian. Charon. c. 21.): πλὴν ἀλλ’ εἰσὶν αὐτῶν (sc. hominum) δύνου, πρὸς τὴν ἀληθειαν ἀποκλίναντες, δέখνεται δεδορχότες ἐξ τὰ πράγματα, καὶ πατεριώκοτες οἵα εἶται· οὐδὲς δέκας ἀποσκάσαντες τῶν πολλῶν καταγελῶσι τῶν γυγνομένων. Quare optime Lud. Vives (de veritate Fid. Christian. l. 2. p. 126.) de Luciano iudicium tulisse videtur: „Lucianus hominum et Deorum subsannator. — Pessime Lucianus Samosatenus sophista, qui adimens hominibus veterem et receptam religionem, non saltem reponebat novam aliquam. Quod irriteret novas dementias ac insanias, recte id quidem: sed alia debebat substituere potiora. Sublatis enim prorsus religionibus, quid aliud quam hominem sine humanitate relinquebat?“ (Cf. Neander, Kirchengeschichte Th. I. p. 165.)

Iam vero ad Celsum nostrum revertamur. Qui si fuit Luciani amicus, Eclecticus, maiori tamen in Epicurum animi propensione, unde simpliciter Epicureus audivit: idem sane est atque Epicurus ille,

qui Origene teste (I, 8.), Hadriani tempore et postea vixit. Nec temporum ratio repugnat. Oportet quidem, cum ultra Marcum Aurelium vitam produxisse, cum Luciani Pseudomantis non ante Commodo regnante scriptus sit. Cf. Pseudom. c. 48.: διατέρπεται χειρσιὸν τοῦ ἐν Γερμανίᾳ πολέμου ἀκμάζοντος, ὅτε θεός Μάρκος ἥδη τοῖς Μαρχομάτοις καὶ Κοναδοῖς συνεπλέκετο. Nam quod Marcus Divus vocatur, arguit, eum naturae iam cessisse. Intra Hadriani et Marci mortem (inde ab anno 138 usque ad annum 180 p. Chr. n.) quadraginta duo anni interiecti sunt. Ponamus, Celsum octogenarium mortuum esse. Quod si viginti quinque annos natus sub Hadriano florere coepit, hoc imperante decem, sub Commodo tres integros annos eum vixisse, facillime licet coniicere. Itaque personarum diversitatem contra historiae testimonium statuere, non opus est. Dicimus historiae testimonium: nam illud quidem Origines certissime affirmat, inde ab Hadriano usque ad suam aetatem unum tantum Celsum Epicureum vixisse. Ceterum verisimilimum est, Celsum, si iis moribus talique vivendi ratione usus fuerit, qualis a Luciano depingitur, ad senectutem venisse, longiusque demum aetate proiectum vitam naturae reddidisse. Cf. Pseudom. c. 61.:

Ταῦτα, ὡς φιλότης, δύλιγα ἐκ πολλῶν δείγματος ἔνεκα γράψαι φέύσα, καὶ σοὶ μὲν χαριζόμενος ἀνδρὶ ἑταίρῳ καὶ φίλῳ καὶ ὅν ἐγὼ πάντων μάλιστα θαυμάσας ἔχω, ἐπὶ τε σοφίᾳ καὶ τῷ πρὸς ἀληθειῶν ἔφωτι καὶ τριπόντι πρόσωπῃ καὶ ἐπιεικείᾳ καὶ γαλήνῃ βίου καὶ δεξιότητι πρὸς τοὺς συνόντας. Neque obstat, quod Origenes, Celsum iam pridem mortuum esse, pronuntiat. Ipse enim, teste Eusebio (hist. eccl VI, 36.), sub Imperatore Philippo Arabe refutationem suam conscripsit; quare inde a Celsi morte iam sexaginta saltem anni praeterlapsi erant.

At quaestio oritur, si illum Origenis Epicureum a nostro Celso non diversum fuisse, sancimus dilingenterque tuemur, liceatne omnino tum Celsum nostrum *Eclecticum* Epicureum, vel Epicureum modo latiori sensu sic dictum, nominare. Nam ex aliis eius scriptis Origenes apparere indicat, eum *totum* fuisse Epicureum. At primum iam vidimus, dubium esse, num hacc scripta eiusdem fuerint autoris, et etiamsi fuisse libenter concedimus, iam illud in disceptationem cadit, needum pro re confessa constat, utrum recte ubique Origenes Celsi mentem interpretatus sit, an, quod in libris suis contra Celsum haud raro ei accidit, etiam in aliis adversarii scriptis legendis alienum interdum a verbis sensum iis

supposuerit. Ita e. g. perperam intellexit Origenes Celsi sententiam l. V. c. 3. Nam ille dixerat: „Neque Deus, o Iudaei et Christiani, neque Dei filius aut descendit aut descendet“, ubi Origenes festinantis sane exclamat: Ὅρα δὴ στὶ βουλόμενος τὰ ἡμέτερα ἀνέλεν διὰ διαιλογήσας δὲ ὅλου τοῦ συγγράμματος Ἐπικούρειος ἔιναι, πρὸς τὸν Ἐπίκουρον αὐτομολῶν ἐνίγχεται, εἰ: ψευδοποίησεις αὐτοῦ τοὺς λόγους ἐν οἷς τίθησι θεοὺς καὶ πρόνοιαν. Celsus enim verbis modo citatis negaverat tantum, Deum τοπικῶς, minime vero, illum προνοητικῶς ad homines descendere. Sed ne illud quidem negare propositum est, iure Origenem in multis aliorum Celsi scriptorum locis apertum ac consummatum Epicureismum animadvertisse; nam ex nostra quoque de Celsi philosophia hypothesi fieri potuit, adeoque factum esse verisimillimum est, ut, data alia opportunitate, magis etiam Epicureum ageret, quam quem Christianos ad certamen provocaret. Ibi enim acutiori gladio, quam qui in Epicuri vagina lateret, ei opus fuit, si adversariis vulnera vere letalia infligere volebat. Quare ne nostra quidem sententia Celsus omni simulationis et dissimulationis crimine absolventus est, nam illud certe manet, eum, cum fuerit Epicureus platonizans, in libro suo contra Christianos.

nos Platonici epicureizantis vultum induisse. Et habuit fortasse caussas, quibus se recte ita agere, sibi persuaderet. Quales hae caussae fuerint, iam describere conabimur. Videlicet illud negari minime potest, Celsum etiamsi secreto mythologiae fabulas riserit, sincero tamen animo, unde lenitur aliquantum fraudis crimen, veterem religionem *prae Christiana* dilexisse. Omnes enim artes liberales, omnia humanitatis ac literarum studia, quibus, ut erat doctrinarum affectator, effusius favit, cum polytheismo, quasi ramos cum arbore, artissimo vinculo cohaerere, bene sagaciterque perspexit. Quare ne, ingravescente Christianismo, omnis omnino humior cultus corruturus esset, anxie haud dubie veritus est. Quid enim exspectare melius potuit ab hominibus, quibus caecam fidem et verae etiam sapientiae contemptum saepissime in libro suo obiectat? Cf. e. g. Or. c. C.

I. I, c. 9.: Quidam ex illis neque dare neque accipere volunt caussas eorum, quibus adhaeserunt. Sed hoc illorum est: „Noli inquirere, crede potius.“ Et, „fides te servabit. Mala est enim huius vitae sapientia, bona autem stultitia.“

I. III, c. 44.: Haec sunt eorum instituta: „Nemo eruditus, nemo sapiens, nemo prudens ad nos acce-

dat: haec enim mala apud nos existimantur. Sed si quis est ignarus, si quis insipiens, si quis stultus, is fidenter veniat.“ Quos homines cum suo Deo dignos esse ipsi fateantur, aperte declarant, se nec velle, nec posse sibi conciliare alios, quam stolidos, ignobiles, stupidos, mancipia, mulierculas et puerulos.

c. 49.: Quid enim mali est, eruditum esse et commentationibus optimis excoluisse ingenium, prudenter et esse et videri? Quid haec obstant cognitioni Dei? An non potius conducunt et adiuvant ad assequendam veritatem? (Cf. VI, 12.)

c. 75. Christianorum doctorem dicere, Celsus probarat: „Cavete, ne quis vestrum attingat scientiam. Mihi adhaerescite: ego solus salvos vos faciam.“

Praeterea Celsus saepius rusticam Christianorum simplicitatem, qua dogmata sua enunciatabant, prae Graeca elegantia acerbe traducit. Cf. I. V, c. 65. extr. VI, I. VII, 58.

At non modo doctrinarum, sed totius adeo reipublicae statum atque formam Christiana fide immutatum iri, Celsi animus recte praesagivit, quamvis et hic falsam imminentis periculi imaginem cognitione sibi finxerit. Et aliquam certe probabilitatem calumniis suis inde conciliare potuit, quod pri-

mis Christianismi temporibus re vera nonnulli ex novae fidei societate et militare in exercitu et magistratum inire, religionibus adducti sive cunctarentur, sive recusarent. Cf. Or. c. C.

I. VIII, c. 68. Nam si te omnes imitarentur, (Christianum alloquitur Celsus,) nec mora, solus Rex et desertus relinquetur; et quaecunque in terra sunt, in impiorum illa et agrestissimorum Barbarorum directionem venirent, cultusque tui veraeque sapientiae gloria ex hominibus evanesceret.

c. 69.: Certe non dixeris, si Romani tibi fidem habentes, neglectis omnibus, quae sibi erga Deos et homines praescripta fuerunt, officiis, tum illum Excelsum, aut quovis eum nomine appellari placeat, colerent; descensurum illum esse et pro iis pugnaturum, nullo alio indigentem auxilio. Nam idem ille Deus olim sibi devotis (Iudacis) haec et his multo maiora pollicitus, ut vos dicitis, videte, quantum illis et vobis profuerit. His, nedum universae terrae sint Domini, ne gleba quidem et domuncula reliqua facta est; et e vobis etiam si quis adhuc errat latitatque, morte plectendus quaeritur. (Cf. c. 71 et 72.)

c. 73. Deinde nos Celsus hortatur (Origenis verba sunt), ut regi totis viribus opem feramus, in iustorum eius laborum partem veniamus, arma pro

illo capiamus, et, si ita postulat, sub illo militemus et cum illo ducamus exercitum.

c. 75. Nos etiam ad magistratus pro patria gerendos hortatur Celsus, si ad tuendas leges, pietatemque id facto opus est.

Et statim veri sui sermonis initio, Origene teste, Celsus clancularios Christianorum conventus lege vetitos acerbe notaverat.

Imprimis vero Celsus ipsi Christianorum doctrinae infensus erat. Quidni enim ille, quae de poentia, fide et humilitate praescripta sunt, insolenter ac superbe despiceret, qui animi robori, rationis argumentis, virtutis conscientiae cupide ubique instat. Et in eo sane Celsus, ut ita dicam, ex paganismi radice creverat, quamvis philosophicis litteris excultus diversos ipse fructus tulerit. Nam inter paganos nemo iustum et absolutum depravatae, in quam delapsum est genus humanum, conditionis habuit intellectum, et si quis eorum, Celsi praesertim temporibus, viri de genere humano praeclare meriti et quasi Servatoris exemplum proponere vellet, ille sane non erat Servator sub figura servi inter homines inambulans, et obediens usque ad mortem, ut hominum peccata expiaret, sed heros quidam magnificus et gloriosus perfectae plane et con-

summatae virtutis, omnique dignitate splendens. Sufficit hic lectores vitarum Apollonii et Pythagorae commonefacere, quas Philostratus, Porphyrius et Iamblichus nobis scriptas reliquerunt. Quantae Celso offensioni humilis Domini nostri persona fuerit, multis locis declaratur. Nam l. I, c. 67. fictus ille Iudeus, qui ipsius Celsi personam sustinet, ita Iesum alloquitur: „Priscae fabulae, quae Perseum, Amphionem, Aeacum Minoaque narrant e diis esse natos, nobis non faciunt fidem. Tamen, ne omni probabilitate destitui videantur, res ab illis hominibus gestas referunt, magnas certe, admirabiles et quae vires humanas superant. Tu vero quid insigne, quid admirandum dictis aut factis praestitisti? nihil hactenus: quamvis in templo te provocaverint Iudei, ut manifesto aliquo signo, te Dei filium esse, declarares.“ (Cf. VI, 75.: Quoniam divinus spiritus erat in corpore, omnino oportuit illum antecellere ceteris aut magnitudine, aut pulcritudine, aut viribus, aut voce, aut maiestate, aut eloquentia. Fieri enim non potest, ut in quo est aliquid divinum, quod alii non habent, is nihil ab alio differat. Hic autem nihil ab alio discrepabat; immo, ut aiunt, statura exigua, vultu deformi et abiecto erat.) Et II, 29.: „Qui venturus est, eum prophetae praepotentem

quendam regem, universae terrae, gentium omnium exercituumque Dominum fore pronuntiant. Tam perniciosa pestis ab illis non fuit praenunciata.“ C. 31. deinde dicit: Pro verbo illo puro et sancto, quod Dei filium esse praedicamus, exhibere nos despicatissimum hominem, flagris caesum et in crucem actum. Et c. 33.: Quid insigne fecit Iesus, quo Deus agnoscatur? An irrisit ludosque fecit, quidquid ipsi accideret? Denique c. 35.: Cur non sin minus antea, saltem nunc divinum quidpiam exerit, sese hac infamia levat, et illatam sibi patrique iniuriam ulciscitur? (Cf. c. 38, 63, 68.)

Imprimis vero Celsus mentem suam gentilem Christianae humilitati acerbe hostilem detegit apud Origenem

I. III, c. 59.: Quod ego non acerbiora obiecserim, quam quae veritas coëgit, vel hinc coniici potest. Nam qui ad alia mysteria vocant, haec pronuntiant alta voce: „Quisquis purus est manibus et voce sapiens;“ et rursus alii: „Quisquis purus ab omni scelere, cuius conscientiam nihil mali remordet, cui bene et iuste peracta vita est.“ Atque haec quidem, qui peccatorum purgationem promittunt. Nunc vero audiamus, quosnam advocent Christiani: „Quisquis, inquit, peccator, quisquis insipiens, quisquis

puer, et ut verbo dicam, quisquis infelix est, hunc Dei regnum accipiet.“ C. 62. Celsus Christianis exprobrat, quod dicant, „missum ad peccatores fuisse Deum.“ Cur non missus est ad immunes a peccatis? Quid malum est, non peccasse? — Porro Christianis Celsus hanc assignat sententiam: „Inustum a Deo receptum iri, si se de nequitia sua humiliaverit; minime autem iustum, si virtutibus ornatus ab initio ad illum oculos tetenderit.“ Et c. 65.: Ignorat nemo, qui innatae proclivitati ad peccandum adiunxere consuetudinem, illos non poenis omnino mutari, multo minus misericordia. Nam res est perdifficilis perfecta naturae mutatio. Sed qui sine peccato sunt, ii sunt meliore vita donandi. Cf. c. 63 et 71. Cf. praeterea l. VI, c. 14., ubi Celsus submissos Christianorum mores lectoribus suis ridendos propinat. — Adversarium nostrum ut doctrinæ, ita cultus quoque Christiani nudam simplicitatem, si cum splendidis et magnificis paganorum ritibus conferretur, fastidiose aspernatum fuisse, inde conciencie licet, quod (l. VIII, c. 17, 21 et 24.) altarium, statuarum, templorum, festorum et conviviorum publicorum studiosissimum se propugnatorem praestat. Accessit, quod Christiana religio nova erat nullaque antiquitate venerabilis, barbarae prae-

terea originis, a Iudaeis populo omnium despiciatisimo oriunda. Cf. l. I, c. 2 et c. 26., ubi Celsus, Iesum paucis admodum ante annis hanc doctrinam invexisse, fidelibus crimini vertit. Quare Christianismum prisca omnia abrogantem, nova molientem multis locis vehementissime vituperat; cf. V, 25.: „Cum igitur Iudei, peculiari quadam gente constituta, latas pro suo ingenio leges etiam nunc observent, et religionem, quae qualiscunque sit, patria est tamen, conservent; faciunt perinde ac caeteri homines, qui patria instituta sequuntur, qualiacunque sint. Atque ita fieri, conducibile videtur: tum quia aliae aliis leges in mentem venere et servari oportet ea, quae publice constituta sunt; tum quod probabile est, diversas terrae partes diversis potestatibus, quasi quasdam praefecturas, commissas ab initio, eodem nunc modo administrari. Et recte cum singulis agitur, cum reguntur ea ratione, quae illis potestatibus placet; nec fas est dissolvere, quae prosuis quaeque locis iam tum ab initio instituta sunt.“ Et c. 34.: „Ex quo efficitur aequum esse, suos quemque ritus observare.“ l. II, c. 1. Celsus ad illos inter Iudeos, qui in Christum credunt, dicit, eos reliqua patria lege, demulcos a Iesu, prorsus ridicule esse deceptos, et in aliud nomen aliamque vitam transfiguisse. Et fictius Iudeus: Quae vos, inquit, intemperiae agebant, o cives, ut patriam legem relinqueretis, et ab illo, quem modo alloquebamur, affecti prorsus ridiculè deciperemini, et a nobis in

aliud nomen aliamque vitam transfugeretis. (Cf. c. 4.) — Celsum vero ne Iudeos quidem magni aestimasse, ex l. IV, c. 31. patet, ubi eos ait servi fuisse fugitivos, ex Aegypto egressos, nullis unquam rebus gestis insignes, nullo in loco, nullo in numero habitos. — Quidni igitur Celsus, ut Porphyrii verbis utar, Christianorum βάθασον τόλμην, qui τὴν κατὰ τὸν νόμους πολιτείαν καρανόων reliquerant, omnibus viribus remorandum esse censeret?

Quare habuit sane Celsus rationes, quae eum impellere possent, ut non modo Christianismum, tam perniciosa stultissimae superstitionis pestem, sive vi, sive dolo a patria propulsare, sed ethnamicam etiam religionem, multo certe magis, quam caeca Christianorum persuasio eo iudice fuit, rationi consentaneam, fulcire atque sustentare, in animum induceret. Unam enim aliquam religionem populum requirere, persuasum habebat, quam etiamsi forte cum Polybio (V, 56) et Strabone (I, p. 36—37.) lupatis, quibus plebs coercenda esset, aquandam censeret, necessaria tamen erat religio, eiusque, quae per tot saecula iam constaret, multisque prae nova et nuper inventa argumentis se commendare videretur, patrocinium studiose suspicere, non modo non improbam simulationem, sed sanctum adeo boni cuiusvis civis officium existimavit. Ita Cicero etiam, de quo, in quantam dubitationem ipse de Deorum natura inciderit, ex libro eius sic inscripto constat, e republica tamen fore iudicavit, maiorum fidem in-

violatam refinere. Cf. de legg. II, 7.: „Sit igitur **hōs** a principio persuasum civibus, dominos esse **omnium** rerum ac moderatores Deos, eaque quae gerantur, eorum geri ditione ac numine, eodemque optime de genere hominum mereri, et qualis quisque sit, quid agat, quid in se admittat, qua mente, qua pietate colat religiones, intueri, piorumque et impiorum habere rationem. — — — Utiles autem esse opiniones has, quis neget, cum intelligat, quam multa firmentur iureiurando, quantae salutis sint foederum religiones? quam multos divini supplicii metus a sceclere revocari? quamque sancta sit societas civium inter ipsos, diis immortalibus interpolatis tum iudicibus, tum testibus?“ Cf. I, 7. 11.; de natur. deor. II, 67. III, 2. 3. Ne Lucianus quidem religionem nonnunquam honore habere recusavit; cf. Pro imagin. c. 17.: ὡς ὅσοι τὸ δεῖον μὴ ἐν παρέγγῳ σέβουσσιν, οὗτοι καὶ τὰ πρὸς ἀνθρώπους ἀριστοὶ ἀντί εἰσιν, et eodem capite: ἀλλ᾽ ὅσα μὴ ἀσεμνονται, τὰ τοιαῦτα περὶ τῶν δεῶν δοξάζειν, ὃν τάς τε ἀληθεῖς εἰχόντας ἀνεφίκτους εἶναι ἀνθρώποις μιητῆσει ἔγω γε ὑπὸλαμψάνω. Cf. Encom. patriae c. 4 — 6. Cf. etiam Sextum Empiricum aduersus Physicos I. IX, §. 49. p. 560.: Τάχα γάρ ἀσφαλέστερος καὶ τοὺς ὡς ἐτέρως φιλοσοφοῦντας εὐρεῖται δὲ Σπεκτικός, κατὰ μὲν τὰ πάτρια ἐδή καὶ τοὺς νόμους λέγων, εἶναι δεούς, καὶ τὰν τὸ εἰς τὴν τούτων ἀργησκεῖαν καὶ εὐσέβειαν συντεῖνον ποιῶν· τὸ δὲ δόσον ἐπὶ τῇ φιλοσοφῷ δηγήσει μηδὲν προπετευόμενος, et Hypotyph.

Celsi, I, p. 7 — 8. ex edit. Fabricii. Ipse Celsus interdum indicat, se nihil in rebus divinis προπετεύσας. Cf. I. VIII, c. 60., ubi ipse de daemonum suorum natura dubitat; interdum vero, ubi nimis superstitione loquitur, dubitari nequit, quin Christianis tantum se opponens in occulto iocetur. Cf. e. g. I. IV, c. 88. VI, 33.

Itaque Celsum, ut erat fluctuans et hoc illuc vagans philosophiae eius genus, cum nullius sectae porta ei plane obliterata esset, ubi tempus postulabat, longius, quam alias solebat, in Platonicorum domum penetrasse, facile sumere licet. Et nulla sane schola ad stabiliendum polytheismum aptiora ei argumenta potuit praebere, nulla acutiora tela cuderet. Neque inde persidi transfugae crimen apud aequales agnos, nisi qui severiores erant iudices, incurredisse debet, cum nulli προκαμ δuci sacramento se obligaret, sed voluntariam militiam professus, nullo periurio admisso, ad cuiuslibet vexillum se recipere. Quare si Epicurum suum dilectum ad tempus deseruit, persidia in amicum, non muneris violatio fuit.

Itaque, ut iam per tot ambages ad finem properemus, rectum fuit Origenis de Celsi persona, non pravum omnino de philosophia eius iudicium, et in eo tantum lapsus est, quod nimis angusta significacione Epicurei nomen accipiens, Celsum, quod sane saepius ei accidit, ubique sectam suam de proposito dissimulasse, affirmavit. Qui error facile ei

condonandus est; nam etiamsi adversarium suum nonnullis, ut vidimus, locis iniuria afficiat, ne ideo quidem malignitatis accusandus videtur, cum Celsus famoso suo contra Christianos libello vix maiorem clementiam meruerit, et ipse adeo Origenes pro suo animi candore de iudicii sui veritate dubius interdum haereat.

Iam omnia optime inter se congruunt; Moshemio damus, Celsum fuisse Eclecticum, Origeni, fuisse Epicureum, neque, una tantum parte audita, cupidius quam verius iudicamus. Et mirari subit, cur Fengerus, qui nonnullis locis rem paene acutangit, in nostra sententia non substiterit, utque Lucianum recte pronuntiat fuisse Eclecticum, Epicuro tamen praeceps addictum (p. 46. sqq.), similiter etiam de Celso nostro, intimo Luciani amico, constituerit. Sed Fengeri libro illa certe laus vindicanda est, quod recto in universum *sensu ductus*, quamvis non rectis maximam partem argumentis nixus, primus certissima persuasione Moshemio contradixerit, qui autoritate sua speciosisque rationibus doctorum virorum hac de re iudicia aliquantum turbasse videtur.

Iam si quis sententiam nostram, quamvis verisimilem, hypothesis tamen esse contendat, Lessingum pro nobis respondentem facimus, qui ut omnia, illud quoque acute dixit: Das Wahrscheinliche zu finden, ist oftmales mehr werth, als das Wahre. Nam ubi vera nescimus, verisimilis nos non esse contentos, arrogantia est, non veritatis studium.